



古文奇賞卷之十一

東漢季漢公卿將相之文

古吳陳仁錫選評 仁和郎奎金重訂

陳時政所宜疏

東漢桓譚

此新論所以作也惜其書不傳

臣聞國之廢興在於政事政事得失由乎輔佐輔佐
賢明則俊士克朝而理合世務輔佐不明則論失時
宜而舉多過事夫有國之君俱欲興化建善然而政
道未理者其所謂賢者異也昔楚莊王問孫叔敖曰
寡人未得所以爲國是也叔敖曰國之有是衆所惡
也恐王不能定也王曰不定獨在君亦在臣乎對曰
君驕士曰上非我亡從富貴士驕君曰君非士亡從

安存人。或至失國而不悟。士或至飢寒而不進。君臣不合。則國是亡。從定矣。莊王曰。善。願相國與諸大夫共定國是也。蓋善政者。視俗而施教。察失而立防。威德更興。文武迭用。然後政調於時。而躁人可定。昔董仲舒言。理國譬如琴瑟。其不調者。則解而更張之。夫更張難行。而拂衆者亡。是故賈誼以才逐。而鼂錯以智死。世雖有殊能。而終莫敢談者。愚於前事也。且設法禁者。非能盡塞天下之好。皆合衆人之所欲也。大抵取便國和事多者。則可矣。夫張官置吏。以理萬人。縣賞設罰。以別善惡。惡人誅傷。則善人蒙福矣。今

水經記載
諱曰賈人
多通侈靡
之物羅納
綺繡雜絲
玩好以淫
人耳目而
竭盡其財
是謂下樹
奢媒而置
貧本也求
人之儉約
富足何可
得乎夫俗
難卒變而
人不可暴
化百物其
奢更之謂
曰哀烏
諱又曰今

人相殺傷雖已伏法而私結怨讐子孫相報後忿深
前至於滅戶殄業而俗稱豪健故雖有怯弱猶勉而
行之此爲聽人自理而亡復法禁者也今宜申明舊
令若已伏官誅而私相殺傷者雖一身逃亡皆徙家
屬於邊其相傷者加常二等不得雇山贖辜如是則
讐怨自解盜賊息矣夫理國之道舉本業而抑末利
高帝時
是以先帝禁人二業銅商賈不得宦爲吏此所以抑
并兼長廉耻也今富商大賈多放田貨中家子弟爲
之保役趨走與臣僕等勤收稅與封君比人是以衆
人慕效不耕而食至乃多通侈靡以淫耳目今可令

諸巧慧小
才枝數之
人增益國
害矯枉識
託以欺惑
貪邪誣誤
人主焉可
不抑速之
哉帝省奏
愈不悅

諸商賈自相糾告，若非身力所得，皆以臧畀告者。如此則專役一已，不敢以貨與人事。寡力弱，必歸功田畝。田畝修則穀入多，而地力盡矣。又見法令決事，輕重不齊，或一事殊法，同罪異論。奸吏得因緣爲事，所欲活則坐生議，所欲陷則與死比。是爲刑開二門也。今可令通義理，明習法律者，校定科比，一其法度。班下郡國，蠲除故條，如此天下知方，而獄亡怨濫矣。初著書言當世行事二十九篇，曰新論。世祖善焉。琴道一篇，未成。肅宗使班固續成之。

與楊廣書

東漢 馬援

春卿無恙。前別冀南寂無音。驛援聞還。長安因留。上林竊見四海已定。兆民同情。而季孟閉拒背畔。爲天下表的。常惧海內切齒。思相屠裂。故遺書戀戀。以致惻隱之計。乃聞季孟歸罪於援。而納王遊翁詭邪之說。自謂函谷以西。舉足可定。以今而觀。竟何如邪。援素知季孟孝愛。曾聞不過夫孝於其親。豈不慈於其子。可有子抱三木。而跳梁妄作。自同分羹之事乎。季孟平生自言。所以擁兵衆者。欲以保全父母之國。而完墳墓也。又言苟厚士大夫而已。而今所欲全者。將

交詰凜然
見嚴重之
文

破○亡○之○所○欲○完○者○將○毀○傷○之○所○欲○厚○者○將○反○薄○之○季
孟○嘗○折○愧○子○陽○而○不○受○其○爵○今○更○共○陸○沉○欲○往○附○之○
將○難○爲○顏○乎○若○復○責○以○重○質○當○安○從○得○子○主○給○是○哉○
往○時○子○陽○獨○欲○以○王○相○待○而○春○卿○拒○之○今○者○歸○老○更○
欲○低○頭○與○小○兒○曹○共○槽○櫪○而○食○併○肩○側○身○於○怨○家○之○
朝○乎○男○兒○溺○死○何○傷○而○拘○游○哉○今○國○家○待○春○卿○意○深○
宜○使○牛○孺○卿○與○諸○耆○老○大○人○共○說○季○孟○若○計○畫○不○從○
真○可○引○領○去○矣○前○披○輿○地○圖○見○天○下○郡○國○百○有○六○所○
奈○何○欲○以○區○區○二○邦○以○當○諸○夏○百○有○四○乎○春○卿○事○季○
孟○外○有○君○臣○之○義○內○有○朋○友○之○道○言○君○臣○邪○固○當○諫○

爭。語朋友邪。應有切磋。豈有知其無成。而但萎腴。昨
舌。又手從族乎。及今成計。殊尚善也。過是欲少味矣。
且來君叔。天下信士。朝廷重之。其意依依。常獨爲西
州言。援商朝廷。尤欲立信於此。必不負約。援不得久。
留願急賜報。漢之隆盛。是惟在焉。夫任一人則政專。
任數人則相倚。政專則和諧。相倚則違戾。和諧則大。

欲低頭與小兒曹共槽櫪而食併肩側身於怨家之
胥。願急顯辟死何傷而拘游哉。今國家待春卿意深
惜言對商賈致大聲立計欲此必不負降對不爵人
且來。故外天可計士。陳其重之其意。欲對常顯為所
古。又手。於越平。又今。其情。極。而善。也。顯。其。於。心。未。矣。
今。有。用。文。作。顯。存。世。豈。亦。欲。其。無。死。而。卧。養。親。利。

昌言法誠篇

東漢仲長統

周禮六典冢宰貳王而理天下春秋之時諸侯明德者皆一卿爲政爰及戰國亦皆然也秦兼天下則置丞相而貳之以御史大夫自高帝逮於孝成因而不改多終其身漢之隆盛是惟在焉夫任一人則政專任數人則相倚政專則和諧相倚則違戾和諧則太平之所興也違戾則荒亂之所起也光武皇帝愠數世之失權忿疆臣之竊命矯枉過直政不任下雖置三公事歸臺閣自此以來三公之職備員而已然政有不理猶加譴責而權移外戚之家寵被近戚之豎

親其黨類用其私人內充京師外布列郡顛倒賢愚
賁易選舉疲驚守境貪殘牧民撓擾百姓忿怒四夷
招致乖叛亂離斯瘼怨氣並作陰陽失和三光虧缺
怪異數至蟲螟食稼水旱爲災此皆戚宦之臣所致
然也反以策讓三公至於死免乃足爲叫呼蒼天號
咷泣血者也又中世之選三公也務於清慤謹慎循
常習故者是婦女之檢柙鄉曲之常人耳惡足以居
斯位邪執旣如彼選又如此而欲望三公勛立於國
家績加於生民不亦遠乎昔文帝之於鄧通可謂至
愛而猶展申暑嘉之志夫見任如此則何患於左

美之督責

小臣哉。至如近世外戚宦豎請託不行意氣不滿立
能陷人於不測之禍惡可得彈正者哉。曩者任之重
而積之輕。今者任之輕而責之重。昔賈誼感絳侯之
困辱。因陳大臣廉恥之分開。引自裁之端。自此以來
遂以成俗。繼世之主生而見之。習其所常。曾莫之悟。
嗚乎。可悲夫。左手據天下之圖。右手刎其喉。愚者猶
知難之。況明哲君子哉。光武奪三公之重。至今而加
甚。不假后黨以權。數世而不行。蓋親疎之勢異也。母
后之黨左右之人有此至親之勢。故其責任萬世常
然之敗。無世而無之。莫之斯鑒。亦可痛矣。未若置丞

節詩人姬
姬無仕之

相自總之若委三公則宜分任責成夫人爲政者不
當與之婚姻婚姻者不當使之爲政也如此在位病
人舉用失賢百姓不安爭訟不息天地多變人物多
妖然後可以分此臯矣或曰政在一人權甚重也曰
人實難得何重之嫌昔者霍禹竇憲鄧騭梁冀之徒
藉外戚之權管國家之柄及其伏誅以一言之詔詰
朝而決何重之畏乎今夫國家漏神明於媒近輪權
重於婦黨算十世而爲之者八九焉不此之罪而彼
之疑何其詭邪

使居有良田廣宅背山臨流溝池環市竹林周布塲
園築前果園樹後舟車足以代步涉之難使令足以
息四體之役養親有兼珍之膳妻孥亡苦身之勞良
朋萃止則陳酒肴以娛之嘉會吉日則烹羔豚以奉
之躊躇畦苑遊戲平林濯清水追涼風釣游鯉弋高
鴻風乎舞雩之下詠歸高堂之上安神閨房思老氏
之玄虛呼吸精神求至人之彷彿與達者意中人數子論道
講書俯仰二儀錯綜人物彈南風之雅操發清商之
妙曲逍遙一世之上睥睨天地之間不受當時之責
永保性命之期如是則可以凌霄漢出宇宙之外矣

豈羨夫人入帝王之門哉。

所風乎。雪之。不。猶。高。堂。之。上。安。所。開。其。恩。未。及。
之。相。國。聖。主。之。德。澤。不。可。及。也。風。降。其。靈。子。高。
則。萃。止。限。刺。西。音。以。歟。之。燕。昔。吉。日。限。烹。羔。相。以。奉。
息。四。野。之。外。養。賸。亦。兼。之。之。鄉。妻。卒。子。苦。良。之。故。良。
同。禁。前。果。園。樹。外。良。車。只。以。外。未。逝。之。曠。外。今。只。以。
野。各。有。良。田。與。宇。背。山。福。流。藉。此。數。市。外。林。風。亦。得。

語以邕博學深與故特密問災異而邕以乳母趙姬桂大人事權偉瑋九列貪濁校尉趙瑗蓋升宜罷及薦陳留孝子荐皇甫規皆可述也

上漢書十志疏

東漢 蔡邕

朔方髡鉗徙臣邕稽首再拜上書皇帝陛下臣邕被受陛下寵異大恩初由宰府備數典城以親父故依叔父衛尉質時以尚書召拜中郎受詔詣東觀著作遂與群儒並拜議郎沐浴恩澤承答聖問前後六年質奉機密趨走陛下遂由端右出相外藩運君輦轂旬日之中登躡上列父子一門兼受恩寵不能輸寫心力以效絲髮之功一旦被章陷沒辜戮陛下天地之德不忍刀鋸截首領得就平罪父子家屬徙充邊方完全軀命喘息相隨非臣無狀所敢復望。非臣罪

惡所當復蒙非臣辭筆所能復陳臣初決罪洛陽詔
獄生出牢戶顧念元初中故尚書郎張俊坐漏泄事
當服重刑已出轂門復聽續鞠詔書馳救一等輸作
左校俊上書謝恩遂以轉徙邕爲郡縣促遣迫于吏
手不得頃息含辭抱悲無由上達旣到徙所乘塞守
烽職在候望憂怖焦灼無心復能操筆成草致章闕
庭誠知聖朝不責臣謝但懷愚心有所不竟臣自在
布衣常以爲漢書十志下盡王莽而止世祖以來唯
有紀傳無續志者臣所師事故太傅胡廣知臣頗識
其門戶略以所有舊事與臣雖未備悉粗見首尾積

累思惟二十餘年不在其位。非外吏庶人所得擅述。天誘其衷。得備著作郎。建言十志。皆當撰錄。遂與議郎張華等分受之。其難者。皆以付臣。先治律曆。以籌筭爲本。天文爲驗。請太師田注考校。連年往往頗有差舛。當有增損。乃可施行。爲無窮法。道至深微。不可獨議。郎中劉洪密于用筭。故臣表上。洪與共參思圖牒。尋繹度數。適有頭緒。會臣被罪。逐放邊野。臣竊自痛。一爲不善。使史籍所闕。胡廣所校。二十年之思。中道廢絕。不得究竟。悽悽之情。猶以結心。不能自達。臣初欲須刑竟。乃因縣道具以狀聞。今年七月九日。何

奴攻鹽池縣其時鮮卑連犯雲中五原一月之中烽火不絕不意西夷相與合謀所圖廣遠恐遂爲變不知所濟郡縣咸悄悄不知所守且臣所在孤危懸命鋒鏑湮沒土灰呼吸無期誠恐所懷隨軀腐朽抱恨黃泉遂不設施輒先顛踣科條諸志臣欲刪定者一所當接續者四前志所無臣欲著者五及經典郡書所宜摭撫本奏詔書所當依據分別首目并書章左臣初考逮妻子逆竄亡失文書無所按請加以惶怖愁恐思念荒散十分不得識一所識者又恐謬誤觸冒死罪披瀝愚情願下東觀推求諸奏參以璽書補

綴遺闕。昭明國胤章聞之後。雖肝腦流離。白骨剖破。
無所復恨。恨陛下留神省察。謹因臨戎。長霍圍封。上
臣頓首死罪。稽首再拜以聞。

引神并取果辭首再我以問

維我發於外則不滑佩香察齒曰嗣在尋雪園桂上

餘散引單庚國錄章聞之并甄刊翻張翻白骨暗

鹽鐵雜論

東漢 桓 寬

鹽鐵論一
言易了耳
其全論
其言之
漢論之
唯會議
庸

客曰予觀鹽鐵之義觀乎公卿文學賢良之論意指殊路各有所出或尚仁義或務權利異哉吾所聞周秦粲然皆有天下而南面焉然安危長久殊世始汝南朱子伯爲予言當此之昨唐進四方輻輳賢良茂陵唐生文學魯萬生之倫六十餘人咸聚闕庭舒六藝之諷論太平之原智者贊其慮仁者明其施勇者見其斷辯者陳其詞閭閻焉侃侃焉雖未能詳備斯可略觀矣然蔽於雲霧終廢而不行悲夫公卿知任武可以辟地而不知德廣可以附遠知權利可

以廣用而不知稼穡可以富國也。近者親附遠者慕
德則何爲而不成。何求而不得。不出於斯路而務
利。長威豈不謬哉。中山劉子雍言王道矯當世復諸
正務在乎反本直而不徼切而不燦。斌斌然斯可謂
弘博君子矣。九江祝生奮由路之意推史魚之節發
憤懣刺譏公卿介然直而不撓。可謂不畏強禦矣。桑
大夫據當世合時變推道術尚權利辟略小辯雖非
正法然巨儒宿學漫然大能自解可謂博物通士矣。
然攝齊相之位。乃引準繩以道化下。放于利末不師
古。易曰焚如棄如處非其位。行非其道果隕其性。

可也

以及厥宗車丞相卽周魯之列當輔處中括囊不言
容身而去彼哉彼哉若夫群丞相御史不能正議以
輔宰相成同類長同行阿意苟合以說其上斗筭之
人道設之徒何足算哉

新刊

同幾身同濟同康世合以端其土丰贊之

遊升遊如長天保永勝勝史不道五錯以

齊本州國之民皆歸中興天子

讓彭寵書

東漢 朱 浮

浮爲幽州牧多置官屬與漁陽太守彭寵不相能浮密奏寵遣吏迎妻不迎母又受賂聚兵不法事寵遂舉兵浮亦非君子也

蓋聳知者順肯而謀愚者逆理而動常竊悲京城太叔以不知足而亡賢輔卒自棄於鄭也伯通以名字典郡有佐命之功臨人親職愛惜倉庫而浮乘征伐之任欲權時救急二者皆爲國耳卽疑浮相譖何不詣闕自陳而爲族滅之計乎朝廷之於伯通恩亦厚矣委以大郡任以威武事有柱石之寄情同子孫之親匹夫媵母尚能致命一餐豈有身帶三綬職典大邦而不顧恩義生心外叛者乎伯通與吏人語何以爲顏行步拜起何以爲容坐臥念之何以爲心引鏡

窺影何施眉目舉措建功何以爲人惜乎棄休令之
嘉名造臯鳴之逆謀捐傳世之慶祚招破敗之重災
高論堯舜之道不忍桀紂之性生爲世笑死爲愚鬼

况字

不亦哀乎伯通與耿俠游俱起佐命同被國恩俠游
謙讓屢有降挹之言而伯通自伐以爲功高天下違
時遼東有豕生子曰頭異而獻之行至河東見群豕
皆白懷慙而還若以子之功論於朝廷則爲遼東豕
也今乃愚妄自比六國六國之時異執各盛廓土數
千里勝兵將百萬故能據國相持多歷年世今天下
幾里列郡幾城奈何以區區漁陽而結怨天子此猶

河濱之人捧土以塞孟津多見其不知量也方今天
下適定海內願安士亡賢不肖皆樂立名於世而伯
通獨中風狂走自捐盛時內聽驕婦之失計外信讒
邪之謾言長爲群后惡法永爲功臣鑒戒豈不誤哉
定海內者亡私讐勿以前事自誤願留意顧老母勿
弟兄舉事亡爲親厚者所痛而爲見讐者所快

舉。事。中。為。縣。學。香。和。縣。而。公。是。學。香。和。縣。
身。前。內。香。子。下。等。以。前。事。自。其。國。而。意。而。事。其。事。
舉。之。婦。言。其。為。縣。學。香。和。縣。而。公。是。學。香。和。縣。
舉。之。中。風。其。去。自。其。國。而。意。而。事。其。事。
不。舉。之。中。風。其。去。自。其。國。而。意。而。事。其。事。
所。實。之。人。其。土。以。舉。之。中。風。其。去。自。其。國。而。意。而。事。其。事。

與申屠蟠書

東漢 黃 忠

蟠漢于持
身忠工于
引賢（后）
漢吳蒼遺
旗纛書方
今明明四
海開關策
許無爲箕
山夷齊悔
人首陽足
下密能騎
龍弄鳳翔
嬉雲間亦
非狐兔與
有所敢謀

大將軍幕府初開徵辟海內並延英俊凡高名盛德
無不獲異遇至如先生特加殊禮優而不名設几杖
之坐引領東望日夜以冀彌秋歷冬經邁二載深拒
以疾無惠然之顧重令袁中郎昭暢慇懃至于再三
而先生抗志彌高所執益固將軍于是憮然失望而
有媿色自以德薄深用各悔僕切論之先生高則有
餘智則不足當今西戎作亂師旅在外軍國異容動
有刑憲潁川荀爽興病在道北郡鄭玄北面受署彼
豈樂羈牽者哉知時不可佚豫也且昔人之隱雖遭

其時猶放聲絕迹。巢棲薇茹。其不遇也。則裸身大笑。
被髮狂歌。今先生處平壤。游人間。吟典籍。襲衣裳。行
與昔人謬。而欲蹈其迹。擬其事。不亦難乎。僕願先生
優游俯仰。貴處可否之間。孔氏可師。何必首陽。備託
臭味。庶同休戚。是假飛書以喻左右。

置書案頭
焚香靜讀

遺黃瓊書

東漢 李固

聞已度伊洛近在萬歲亭豈卽事有漸將順王命乎
蓋君子謂伯夷隘柳下惠不恭故傳曰不夷不惠可
否之間蓋聖賢居身之所珍也誠遂欲枕山棲谷擬
跡巢由斯則可矣若當輔政濟民今其時也自王民
以來善政少而亂俗多必待堯舜之君此爲志士終
亡時矣常聿語曰嘒嘒者易缺皦皦者易汙陽春之
曲和者必寡盛名之下其實難副近魯陽樊君英被
徵初至朝廷設壇席猶待神明雖亡大異而言行所
守亦亡所缺而毀謗布流應時折減者豈非觀聽望

深聲名太盛乎。自頃徵聘之士。胡元安。薛孟嘗。朱仲
昭。顧季鴻等。其功業皆亾所採。是故俗論皆言處士
純盜虛聲。願先生弘此遠謨。令衆人歎服。一雪此言
耳。

貽李膺書

東漢荀爽

與社稷經
知爽之
慮遠也

久廢過庭不聞善誘陟岵瞻望惟日爲歲知以直道
不容于時悅山樂水家于陽城道近路夷當卽聘問
無伏嬰病闕于所仰頃聞上帝震怒敗黜鼎臣人鬼
同謀以爲天子當貞觀二五利見大人不謂夷之初
旦明而未融虹虹揚輝爽和取同方今天地氣閉大
人休否智者見險投以遠害雖墮人望內合私願想
甚欣然不爲恨也願怡神無事偃息衡門任其飛沉
與時抑揚

人
之
步

六
之

且○王○未○蠲○五○王○思○思○美○味○取○同○大○今○天○也○屏○閉○大○
日○者○以○為○天○子○當○貞○隨○二○正○休○其○大○人○不○能○夷○之○時○
燕○外○髮○燕○關○于○西○門○更○問○土○帝○靈○其○如○此○豈○引○人○思○
不○容○于○林○於○山○樂○亦○寒○于○烈○姓○能○滋○夷○當○响○其○也○
人○與○鐵○或○不○問○善○結○遇○如○銀○堅○卦○日○為○淵○映○以○直○道○

韻
字
釋
義

東
坡
詩
集

鮑出傳

魚 秦

鮑出字文才京兆新豐人也少遊俠與平中三輔亂
出與老母兄弟五八家居本縣以飢餓畱其母守舍
相將行採蓬實合得數升使其二兄初雅及其弟成
持歸爲母作食獨與小弟在後採蓬初等到家而噉
人賊數十人已略其母以繩貫其手掌驅去初等怖
恐不敢追逐須臾出從後到知母爲賊所略欲追賊
兄弟皆云賊衆當如何出怒曰有母而使賊貫其手
將去○煮噉之用活何爲○乃攘臂結衽獨追之行數里
及賊賊望見乃共布列待之出到回從一頭斫賊四

五人賊走復合聚圍出出跳越圍斫之又殺十餘人
時賊分布驅出母前去賊連擊出不勝乃走與前輩
合出復追擊之還見其母與比舍嫗同貫相連出遂
復奮擊賊賊問出曰卿欲何得出責數賊指其母以
示之賊乃解還出母比舍嫗獨不解遙望出求哀出
復斫賊賊謂出曰已還卿母何爲不止出又指求哀
嫗此我嫂也賊復解還之出得母還遂相扶持客南
陽建安五年關中始開出來北歸而其母不能步行
兄弟欲共輿之出以輿車歷山險危不如負之安穩
乃以籠盛其母獨自負之到鄉里鄉里士大夫嘉其

孝烈欲薦州郡郡辟召出出曰田民_老不堪冠帶_至至
龍中母年百餘歲乃終出時年七十餘行喪如禮_于
今年八九十才若五六十者

魚豢曰鮑出不染禮教心痛意發起于自然跡雖
在編戶與篤烈君子何以異乎

并錄元與黃氏之命以是平

魚參曰鯨山不若鯢山鯢意發于自然

今年八十六歲正六十

計中計年可餘歲以錄出部年十餘年

孝慈於此泯泯無報吾山曰曰凡不堪於此

今日正宜
表章此書
及魏相充
國等疏為
封表式

為兄上書

曹壽妻班昭

妾同產兄西域都護定遠侯超。幸得以微功。爵列通
侯。超之始出。志捐軀命。賴蒙陛下神靈。且得延命沙
漠。至今積三十年。骨肉生離。不復相識。相隨士卒。皆
已。物故超年最長。今且七十。衰老被病。雖欲竭盡其
力。以報塞天恩。迫于歲暮。犬馬齒索。蠻夷之性。悖逆
侮老。而超旦暮入地。久不見代。恐開姦宄之源。生逆
亂之心。如有卒暴。超之氣力。不能從心。上損國家累
世之功。下弄忠臣竭力之用。誠可痛也。超有書與妾
生訣。恐不復相見。妾誠傷超。以壯年竭忠孝于沙漠。
情。八。字。妻。斬。忠。方。入。私。家。之。情。識。房。

疲○老○則○便○○字○慘○捐○死○于○曠○野○誠○可○哀○憐○如○不○蒙○收○護○超○後○

應卒暴

有○一○旦○之○變○冀○幸○超○家○得○蒙○趙○母○衛○姬○先○請○之○貸○○句○老○而○有○休○

自見漢疏典刑○超自以久在絕域年老思土十
二年上疏曰臣聞太公封齊五世葬周狐死首丘
代馬依風夫周齊同在中土千里之間況于遠處
絕域小臣能無依風首丘之思哉臣超犬馬齒衰
不敢望到酒泉郡但願生入玉門關謹遣子勇隨
獻物入塞及臣生在令男目見中土而超妹同郡
曹壽妻昭亦上書請

上獻帝書

東漢 袁紹

討操檄文
高乞句携
資因減買
位操奸閣
道醜標狡
公俠又曰
自書記期
公卿元
辭而已
紀言路
取立殺
不候報聞

臣聞昔有哀歎而霜隕悲哭而崩城者每讀其書謂
為信然於今況之乃知妄作何者臣出身為國破家
立事至于懷忠獲釁抱信見疑晝夜長吟剖肝泣血
曾亡崩城隕霜之應故鄒衍杞婦何能感徹臣以負
薪之資拔於陪隸之中奉職憲臺擢授戎校常侍張
讓等滑亂天常侵奪朝威賊害忠德扇動奸黨故大
將軍何進忠國疾亂一心赫怒以臣頗有一介之節
可責以鷹犬之功故授臣以督司詒臣以方畧臣不
敢畏憚強禦避禍求福與進合圖事亡違異忠策未

同患難

盡而元帥受敗太后被質宮室焚燒陛下聖德勿冲
親遭厄困時進既被害師徒喪沮臣獨將家兵百餘
人抽戈承明竦劍翼室虎叱群司奮擊凶醜曾不夾
辰罪人斯殄此誠愚臣效命之一驗也會董卓乘虛
所圖不軌臣父兄親從並當大位不憚一室之禍苟
惟寧國之義故遂解節出奔功創謀河外肯卓方貪結
外援招脫英豪故即臣勃海申以軍號則臣之與卓
未有纖芥之嫌若使苟欲滑泥揚波偷榮求利則進
可以享竊祿位退亡門戶之患然臣愚所守志亡傾
奪故遂引會英雄與師百萬飲馬孟津歃血漳河會

故冀州牧韓馥懷挾逆謀欲專權勢絕臣軍糧不得
踵繫至使猾虜肆毒害及一門尊卑大小同日并戮
鳥獸之情猶知號呼臣所以蕩然亡哀貌亡隱戚者
誠以忠臣之節道不兩立顧私懷已不能全功斯亦
愚臣破家徇國之二驗也又黃巾十萬焚燒青兗黑
山張楊蹈籍冀城臣乃旋師奉辭伐畔金鼓未震狡
敵知忌故韓馥懷懼謝咎歸土張楊黑山同時乞降
臣時輒承制竊比竇融以議郎曹操權領兗州牧會
公孫瓚師旅南馳陸掠北境臣卽呈駕席卷與瓚交
鋒假天之威每戰輒克臣備公族子弟生長京輦頗

聞俎豆不習干戈加自乃祖先臣以來世作輔弼咸
以文德盡忠得免罪戾臣非以瓚角戎馬之勢爭戰
陣之功者也誠以賊臣不誅春秋所貶苟云利國專
之不疑故冒踐霜雪不憚劬勤實庶一捷之福以立
終身之功社稷未定臣誠恥之太僕趙岐御命來征
宣明陛下含弘之施蠲除細故與下更新奉詔之日
引師南轅是臣畏怖天威不敢怠慢之三驗也又臣
所上將校率皆清英宿德令名顯達登鋒履刃死者
自古以此失邊帥心者甚衆
過半勤恪之功不見書列而州郡牧守競盜聲名懷
持二端優游顧望皆列土錫圭跨州連郡是以展轉

狐疑議論紛錯者也臣聞守文之世德高者位尊倉卒之時功多者賞厚陛下播越非所洛邑乏祀海內傷心志士憤惋是以忠臣肝腦塗地肌膚橫分而亡傷心者義之所感故也今賞加亡勞以携有德杜黜忠功以疑衆望斯豈腹心之遠圖將乃讒慝之邪說使之然也臣爵爲通侯位二千石殊恩厚德臣旣叨之豈敢闕覬重禮以布彤弓旅矢之命哉誠傷偏裨列校勤不見紀盡忠爲國翻成重愆斯蒙恬所以悲號於邊獄白起獻歎於杜郵也太傳曰譚位爲師保任配東征而耗亂王命寵任非所凡所舉用皆衆所

捐棄而容納其策以爲謀主令臣骨肉兄弟還讐敵
交鋒接刃構難滋甚臣雖欲釋甲投戈事不得已誠
恐陛下日月之明有所不照四聰之聽有所不聞乞
下臣章咨之群賢使三槐九棘議臣罪戾若以臣今
行權爲釁則桓文當有誅絕之刑若以衆不討賊爲
賢則趙盾可亡書弑之貶矣臣雖小人志守一介若
使得申明本心不愧先帝則伏首歐刀擐衣就鏹臣
之願也惟陛下垂尸鳩之平絕邪諂之論亡令愚臣

薦謝該書

季漢 孔 融

博洽多聞
益重儒術
漢人矜尚
如此

臣聞高祖創業。韓彭諸將征討暴亂。陸賈叔孫通進
說詩書。光武中興。吳耿佐命。范升衛宏脩述舊業。故
能文武並用。成長久之計。陛下聖德欽明。同符二祖。
勞讓庀運三年。乃謹今尚父鷹揚。方叔翰飛。王師電
驚。群凶破殄。始有橐弓臥鼓之次。宜得名儒典綜禮
紀。竊見故公車司馬令謝該。體曾史之淑性。兼商偃
之文學。博通群議。周覽古今。物來有應。事至不惑。清
白異行。敦悅道訓。求之遠近。少有疇匹。若乃巨骨出
吳隼集。陳庭黃能。三足入寢。亥有二首。非夫洽聞者。
鼈也

莫識其端也。雋不疑定北闕之前。夏侯勝辨常陰之
驗。然後朝士益重儒術。今該實卓然比跡前列間以
父母老疾棄官欲歸。道路險塞無由自致。猥使良才
抱璞而逃。踰越山河沈淪荆楚。所謂往而不反者也。
後日當更饋樂以釣由余。尅像以求傳說。豈不煩哉。
臣愚以爲可推錄所在。召談令還。楚人止孫卿之去。
國漢朝追匡衡于平原尊儒貴學惜失賢也。

薦禰衡表

臣聞洪水橫流帝思俾乂旁求四方以招賢俊昔世
宗繼統將弘祖業疇咨熙載羣士翬臻陛下獻聖纂

祝公如龍
視操如兒

承基緒遭遇厄運勞謙以反維嶽降神異人並出富
見處士平原禰衡年二十四字正平淑質貞亮英才
卓犖初涉藝文升堂觀與目所一見輒誦之口耳無
暫聞不忘于心性與道合思若有神弘羊潛計安世
默識以衡準之誠不足怪忠果正直志懷霜雪見善
若驚疾惡若讐任座抗行史魚厲節殆無以過也驚
鳥累百不如一鶚使衡立朝必有可觀飛辯騁辭溢
氣全涌解疑釋結臨敵有餘昔賈誼求試屬國詭係
單于終軍欲以長纓牽致勁越弱冠慷慨前世美之
近日路粹嚴象亦用異才擢拜臺郎衡宜與爲比如

得龍躍天衢振翼雲漢揚聲紫微垂光虹蜺足以昭
近署之多十增四門之穆穆鈞天廣樂必有奇麗之
觀帝室皇居必畜非常之寶若衡等輩不可多得激
楚陽阿至妙之容掌伎者之所貪飛兔騶馵絕足奔
放良樂之所急也臣等區區敢不以聞陛下篤慎取
士必須劾試乞令衡以褐衣召見必無可觀采臣等
受而欺之罪

論盛孝章書

歲月不居時節如流五十之年忽焉已至公爲始滿
融又過二始滿正內知識零落殆盡惟會稽盛孝

章尚存其人。困于孫氏。妻孥湮沒。單子孤立。孤危愁苦。若使憂能傷人。此子不得復永年矣。春秋傳曰。諸侯有相滅亡者。桓公不能救。則桓公恥之。今孝章實丈夫之雄也。天下談士。依以揚聲。而身不免于幽執。命不期于旦夕。是吾祖子孔不當復論損益之友。而朱穆所以絕交也。公誠能馳一介之使。加咫尺之書。則孝章可致。友道可弘矣。今之少年。喜謗前輩。或能詭評孝章。孝章要爲有天下大名。九牧之人所共稱歎。燕君市駿馬之骨。非欲以騁道里。乃當以招絕足也。惟公匡復漢室。宗社將絕。又能正之。正之之術。實須

得賢珠玉無蹕而自至者。以人好之也。況賢者之有
足乎。昭王築臺以尊郭隗。隗雖小才而逢大遇。竟能
發明主之至心。故樂毅自魏往。劇辛自趙往。鄒衍自
齊往。嚮使郭隗倒懸而王不解。臨溺而王不拯。則士
亦將高翔遠引。莫有北首燕路者矣。凡所稱引。自公
所知。而復有云者。欲公崇篤斯義也。四表不悉。

與曹操理楊彪

楊公四世清德海內所瞻。周書父子兄弟不相及。

操托彪與術婚也。

況以表氏歸罪楊公。易稱積善餘慶。徒欺人耳。

此操曰國

家之意。

假使成王殺周公。召公可得言不知邪。今天

下纓綬縉紳。所以瞻仰明公者。以公聰明仁智輔相。

漢朝舉直厝枉。致之雍熙也。今橫殺亡辜。則海內觀。

聽誰不解。體孔融乃國男子。明日便當拂衣而去。不

復朝矣。

操不得已遂理出處。

與張紘書

聞大軍西征。足下留鎮不有居者。誰守社稷。深固折。

衡亦大勛也。毋乃李廣之氣。倉髮益怒。樂一當單于。以盡餘憤乎。南北並定。世將無事。叔孫投戈。絳灌俎豆。亦在今日。但用離析。無緣會面。爲愁歎耳。道直途清。相見豈復難哉。

黃陵廟記

簡文

季漢諸葛亮

僕躬耕南陽之畝遂蒙劉氏顧草廬勢不可御計事
善之於是情好日密相拉總師趨蜀道履黃牛因觀
江山之勝亂石排空驚濤拍岸歛巨石於江中崔嵬
嶮巇列作三峰平治泝水順遵其道非神扶助於禹
人力奚能致此耶僕縱步環覽乃見江左大山壁立
林麓峰巒如畫熟視於大江重複石壁間有神像影
詞費現焉鬚髮鬚眉冠裳宛然如彩畫者前豎一旌旗右
駐一黃犢猶有董工開導之勢古傳所載黃龍助禹
開江治水九載而功成信不誣也惜乎廟貌廢去使

人太息神有功助禹開江不事鑿斧順濟舟航當廟
食茲土僕復而興之再建其廟號目之曰黃牛廟以
顯神功

此記惜是節文孔明文宇絕奇此亦臥龍之片鱗
耳

陸游云黃牛廟靈感神封嘉應保安侯皆紹興以
來制書也其下即無義灘亂石塞中流望之可畏
傳云神佐夏禹治水有功故食於此門左右立小
石馬廟後叢木似冬青而非葉有黑文類符篆然
藻各不同夜舟人來告請無擊更鼓云廟後山中

多虎聞鼓則出

范成大云黃牛峽上有洛川廟黃牛之神也亦云
助禹所疏川者廟在大峰峻壁之上有黃跡如牛
一黑跡如人牽之云此其神也順流而下黃牛峽
盡則扇子峽過此則峽中灘盡也

與群下教

觀兩出師
表及與群
下教丞相
大略盡在
用人納諫

夫參署者集衆思廣忠益也若遠小嫌難相違覆曠
闕損矣違覆而得中猶弃弊蹻而獲珠玉然人心苦
不能盡惟徐元直處茲不惑又董幼宰參署七年事
有不至至于十反來相啟告苟能慕元直之十一幼

宰○之○殷○勤○有○忠○于○國○則○亮○可○少○過○矣○又○曰○昔○初○交○州○
平○屢○聞○得○失○後○交○元○直○勤○見○啟○誨○前○參○事○于○幼○宰○每○
言○則○盡○後○從○事○于○偉○度○數○有○諫○止○雖○姿○性○鄙○暗○不○能○
悉○納○然○與○此○四○子○終○始○好○合○亦○足○以○明○其○不○疑○於○直○
言○也○

與李豐教

吾○與○君○父○子○戮○力○以○獎○漢○室○此○神○明○所○聞○非○但○人○知○
之○也○表○都○護○典○漢○中○委○君○于○東○關○者○不○與○人○議○也○謂○
至○心○感○動○終○始○可○保○何○圖○中○乖○乎○昔○楚○卿○屢○紉○亦○乃○
克○復○思○道○則○福○應○自○然○之○數○也○願○寬○慰○都○護○勤○追○前○

闕。今雖解任形業失故奴婢賓客百數十人君以中
郎參軍居府方之氣類頗爲上家若都護思負一意
君與公琰推心從事者否可復通逝可復還也許思
斯戒明吾用心臨書長嘆涕泣而已

正議

大臣文字
每一刀兩
斷決不若
戴錫營營

昔在項羽起不由德雖處華夏秉帝者之勢卒就湯
鑊爲後永戒。魏不審鑒今次之矣。免身爲幸。刑在子
孫而二三子各以耆艾之齒承僞指而進書。有若崇
竦稱莽之功。亦將偪于元禍。苟免者邪。昔世祖之創
迹舊基。奮羸卒數千。摧莽強族四十餘萬于昆陽之

郊○夫○據○道○討○淫○不○在○衆○寡○及○至○孟○德○以○其○譎○勝○之○力○
舉○數○十○萬○之○師○救○張○郃○於○陽○平○勢○窮○慮○悔○僅○能○自○脫○
辱○其○鋒○脫○之○衆○遂○喪○漢○中○之○地○深○知○神○噐○不○可○妄○獲○
旅○還○未○至○感○毒○而○死○子○桓○淫○逸○繼○之○以○篡○縱○使○二○三○
子○多○逞○蘇○張○詭○靡○之○說○奉○進○驪○兜○滔○天○之○辭○欲○以○誣○
毀○唐○帝○諷○解○禹○稷○所○謂○徒○喪○文○藻○煩○勞○翰○墨○者○矣○夫○
大○人○君○子○之○所○不○爲○也○又○軍○誠○曰○萬○人○必○死○橫○行○天○
下○昔○軒○轅○氏○整○卒○數○萬○制○四○方○定○海○內○況○以○數○十○萬○
之○衆○據○正○道○而○臨○有○罪○有○得○于○焉○者○哉○

臣先進孟琰據武功水東司馬懿因水以二十日出
騎萬人來琰營臣作車橋賊見橋垂成便引兵退

與兄瑾書

綏陽小谷。雖山崖紀重。溪水縱橫。難用行軍者。邏候
往來。要道通人。今使前軍斫治此道。以向陳倉。足以
扳連賊勢。使不得分兵東行。

與兄瑾書

兄嫌白帝兵非精練。到所督則先主帳下白毳西方
上兵也。嫌其少也。當復部分江州兵以廣益之。

前出師表

篇中十三
引先帝宜
着眼

先是詔曰
授方任能
參其聽斷
私降意以
養將士且
慮及涼州
諸國王而
原除魏宗
族枝葉中
外能規順
逆之數者
可謂得休
矣有曰諸
葛丞相弘
毅忠壯忘
身愛國而
或以此詔
武侯撰也
燕歎

臣亮言先帝創業未半而中道崩殂今天下三分益
州疲敝此誠危急存亡之秋也然侍衛之臣不解於
內忠志之士忘身於外者蓋追先帝之殊遇欲報之
於陛下也誠宜開張聖聽以光先帝遺德恢弘志士
之氣不宜妄自菲薄引喻失義以塞忠諫之路也宮
中府中俱為一體陟罰臧否不宜異同若有作奸犯
科及為忠善者宜付有司論其刑賞以昭陛下平明
之治不宜偏私使內外異法也侍中侍郎郭攸之費
禕董允等此皆良實志慮忠純是以先帝簡拔以遺
陛下愚以為宮中之事無大小悉以諮之然後施

子瞻稱二
表與伊訓
說命相表
裏知言哉

行必能裨補闕漏有所廣益也將軍向寵性行淑均
曉暢軍事試用於昔日先帝稱之曰能是以衆議舉
寵以爲督愚以爲營中之事○事亡大小悉以諮之必
能使行陣和穆優劣得所也○親賢臣遠小人此先漢
所以興隆也○親小人遠賢臣此後漢所以傾頽也○先

帝在時每與臣論此事未嘗不歎息痛恨於桓靈也○
六引
陳震
蔣琬

侍中尚書長史叅軍此悉貞亮死節之臣也願陛下

親之信之則漢室之隆可計日而待也○臣本布衣躬

耕南陽苟全性命於亂世不求聞達於諸侯先帝不

以臣卑鄙猥自枉屈三顧臣於艸廬之中諮臣以當

起顧運卧龍得孔明當共南陽時龐公躬自耕

李日詩赤符

曹操欲用
孔明孔明
自陳不樂
出身操曰
義不使高
世之士辱
於汚君之
朝也

此段收到
攸禕處極
有閑鎖

世之事。由是感激。遂許先帝^{合引}以驅馳。後值傾覆。受任
於敗軍之際。奉命於危難之間。爾來二十有一年矣。
先帝^{九引}知臣謹慎。故臨崩寄臣以大事也。受命以來。夙
夜憂勤。恐付託不効。以傷先帝之明^{十引}。故五月渡瀘。深
入不毛。今南方已定。甲兵已足。當帥將三軍。北定中
原。庶竭駑鈍。攘除奸凶。興復漢室。還於舊都。此臣所
以報先帝而忠陛下之職分也。至於斟酌損益。進盡
忠言。則攸之禕允之任也。願陛下託臣以討賊興復
之効。不効。則治臣之罪。以告先帝之靈^{十一引}。若亡興德之
言。則戮允等。以章其慢。陛下亦宜自謀。以諮諏善道。

則深追先帝遺詔一語可當千萬言

杜甫歌曰孔明廟前有老柏柯如青柯根如石霜皮漚雨四十圍岱色泰山二千尺君臣已與時際會對木猶為人愛惜雲來氣接巫峽長月出寒

察納雅言深追先帝遺詔臣不勝受恩感激今當遠離臨表涕泣不知所云

後出師表

一○篇○主○意○

先帝慮漢賊不兩立王業不偏安故託臣以討賊也以先帝之明量臣之才故知臣伐賊才弱敵彊也然不伐賊王業亦亡惟坐而待亡孰與伐之是故託臣而弗疑也臣受命之日寢不安席食不甘味思惟北征宜先入南故五月渡瀘深入不毛并日而食臣非不自惜也顧王業不可得偏全於蜀都故冒危難以奉先帝之遺意也而議者謂為非計今賊適疲於西

通雪山白

愚謂此詩

真吐氣其

它祭文銘

志皆以足

述者○或

怪侯文采

不耀陳壽

曰咎繇之

謨略而雅

周公之誥

煩而悉亮

所言盡衆

人凡士故

其文指不

及達也然

侯所表上

者君父所

與計議此

璋璣等亦

又務於東兵法乘勞此進趨之時也謹陳其事如左

高帝明並日月謀臣淵深然涉險被創危然後安今

陛下未及高帝謀臣不如良平而欲以長計取勝坐

定天下此臣之未解一也劉繇王朗各據州郡論安

言計舉引聖人群疑滿腹衆難塞胷今歲不戰明年

不征使孫策坐大遂并江東此臣之未解二也曹操

智計殊絕於人其用兵也彷彿孫吳然困於南陽險

於鳥巢危於祁連偏於黎陽幾敗伯山殆死潼關然

後僞定一時耳況臣才弱而欲以不危而定之此臣

之未解三也曹操五攻昌霸不下四越巢湖不成任

不凡矣豈
沈隱侯將
略為媚司
馬懿也哉
黃輝曰某
卜昆明一
區欲移幕
府刻史得
小碑云諸
葛禁地皆
以鉄錮之
又曰沙駟
形挽稱量
往尋龍絡
已被掘斷
亦有小碑
曰諸葛禁
地
曹彬伐蜀
視侯祠甚

用李服而李服圖之委夏侯而夏侯敗亡先帝每稱
操為能猶有此失况臣驚下何能必勝此臣之未解
四也自臣到漢中中間期年矣然喪趙雲陽群馬玉
閭芝丁立白壽劉邵鄧銅等及曲長屯將七十餘人
突將無前賓叟青羌散騎武騎一千餘人此皆數十
年之內所糾合四方之精銳非一州之所有若復數
年則損三分之二也當何以圖敵此臣之未解五也
今民窮兵疲而事不可息事不可息則住與行勞費
一作蚤
正等而不及虛圖之欲以一州之地與賊持久此臣
之未解六也夫難平者事也昔先帝敗軍於楚當此

雄乃曰孔
明雖忠於
漢疲蜀軍
民不能復
中原何名
武俄報中
殿撞塌有
石碑出土
尺許石若
新書曰測
吾心腹事
惟有朱曹
彬彬下拜
曰神人也
小子惡能
測哉

時曹操拊手謂天下已定然後先帝東連吳越西取
巴蜀舉兵北征夏侯授首此操之失計而漢事將成
也然後吳更違盟關羽毀敗秭歸蹉跌曹丕稱帝凡
事如是難可逆見臣鞠躬盡力死而後已至於成都
利鈍非臣之明所能逆覩也

彈廖立表

長水校尉廖立坐自貴大減否群士公言國家不任
賢達而任俗吏又言萬人率者皆小子也誹謗先帝
疵毀衆臣人有言國家兵衆簡練部伍分明者立舉
頭視屋憤咤作色曰何足言凡如是者不可勝數羊

之亂羣猶能爲害。況立託在大位中人以下。識真僞。
邪。于是廢立爲民徙汶山郡立躬率妻子畊殖自守。
聞諸葛亮卒垂泣曰。吾終爲左社矣。後監軍姜維
率偏軍經汶山詣立。稱立意氣不衰。言論自若。立遂終于徙所。

彈李平表

自先帝崩後。平所在治家。尚爲小惠。安身求名。亡憂
國之事。臣當北出。欲得平兵以鎮漢中。平窮難從。橫
無有來意。而求以五郡爲巴州刺史。去年臣欲西征。
欲令平主督漢中。平說司馬懿等開府辟召。臣知平
鄙情。欲因行之際。偏臣取利也。是以表平子。豈督主
江州隆崇。其遇以取一時之務。平至之日。都委諸事。

群臣上下皆怪臣待平之厚也。正以大事未定。漢室傾危。伐平之短。莫若褒之。然謂平情在于榮利而已。不意平心顛倒。乃爾若事稽留。將至禍敗。是臣不敏。言多增咎。

乃廢平爲民徙梓潼郡十二年。平聞亮卒。遂發病死。

自劾表

臣以弱才。叨竊非據。親秉旄鉞。以厲三軍。不能訓章明法。臨事而思。至有街亭違命之闕。箕谷不戒之失。咎皆在臣。授任亡方。臣明不知人。郵事多闇。春秋責帥。臣職是當。請自貶三等。以督厥咎。

因病密表

臣若不幸後事宜以付蔣琬。昔帝亦遣尚書僕射李
福省侍因諮以國家大計。別去數日復還。亮曰。知君
還意。近言語雖彌日有所不盡。更來求決耳。所問者
公琰其宜也。福復請亮曰。文偉可以繼之。又問其次
亮不答。文偉卽費瑋也。初琬爲廣都長。昭烈嘗奄至
廣都。琬衆事不治。且復沉醉。昭烈大怒。將加戮。亮曰。
琬社稷之器。非百里才。其爲政以安民爲本。不事修
飾。願加譬乃解。

遺表

成都有桑八百株。薄田十五頃。子孫衣食自有餘饒。

勇冠到此
是英雄

至于臣在外任。別無調度。隨身衣食。悉仰於官。不別治生。以長尺寸。若臣死之日。不使內有餘帛。外有贏財。以負陛下。訖如其言。

與張裔書

君昔在栢下營壘。吾之用心。食不知味。後流徙南海。相爲悲歎。寢不安席。及其來還。委付大任。同獎王室。自以與君古之石交也。石交之道。舉讐以相益。割骨肉以相明。猶不相謝也。況吾但委意於元儉。而君不能忍邪。裔與楊洪不和

與蔣琬董允書

李邕以亮
免死一言
失意欲死
而中之後
主誅殺快
矣哉

吾心如秤
不能為人
作輕重視
其才也

孝起前臨至吳為吾說正方腹中有鱗甲鄉黨以為
不可近吾以為鱗甲者但不當犯耳不圖復有蘇張
之事出於不意可使孝起知之孝起陳震也時李平坐誣罔廢
與兄瑾書

殷徃嗣秀才之僑盼者也東吳菰蘆中乃有奇偉如
此人

與張魯書

靈仙養命猶節松霞而享身嗜味奚能尚道所以有澹泊寧

靜之訓

與張裔書

去婦不顧門。姜韭不入園。以婦人之性。少菜之情。猶有所耻。想忠壯者意何所之。

與蔣琬書

姜伯約忠勤時事。思慮精密。考其所有。永南季常諸

作如

人不及也。其人涼州上士也。須先教中虎步兵五六

千人。姜伯約甚敏于軍事。既有膽義。深解兵意。此人

存心漢室。而才兼于人。畢教軍事。當遣詣宮觀見主

上。費禕謂維曰。吾等不如丞相。亦已遠矣。丞相猶不能定中夏。况吾等乎。且不如保國治民。敬守社稷。

與兄瑾書

前趙子龍燒赤崖。以北閣道緣谷一百餘里。其閣梁

更妙在璋
所嘗授任
及其婚姻
與所排擯
忌恨悉別
其器能處
以顯任故
法得行也

一頭入山腹其一頭立柱於水中今水大而急不得
安柱此其窮極不可強也又曰頃大水暴出赤崖以
南橋閣悉壞時趙子龍與鄧伯苗一戍赤崖屯田一
戍赤崖口但得緣厓與伯苗相聞而已

答法正

君知其一未知其二秦以亡道政苛民怨一夫大呼
天下土崩高祖因之可以弘濟劉璋闇弱自是以來
有累世之恩文法羈縻互相承奉德政不舉威刑不
肅蜀土人士專權自恣君臣之道漸以陵替寵之以
位位極則賤順之以恩恩竭則慢所以致弊實由于

此。吾。今。威。之。以。法。法。行。則。知。恩。限。之。以。爵。爵。加。則。知。榮。榮。恩。並。濟。上。下。有。節。爲。治。之。要。于。斯。而。著。矣。

答關公

關羽聞馬超來降。舊非故人。羽書與諸葛亮。亮問超人。才。可。誰。比。類。亮。知。其。意。乃。答。之。曰。孟。起。兼。資。文。武。雄。烈。過。人。一。世。之。傑。黔。彭。之。徒。當。與。翼。德。並。驅。爭。先。猶。未。及。髯。之。絕。倫。逸。羣。也。羽。省。之。大。悅。

爲法正答帝

主公之在公安也。北畏曹操。東憚孫權之逼。近

則懼孫夫人。生變於肘腋之下。當斯之時。進退狼跋。

法孝直爲之輔翼。今翻然翱翔，不可復制。如何禁止？
法正使不得行其意邪？章武二年大軍敗績，亮曰：法孝直在，則能制主上，令不東行，就復東行，必不傾危矣。

說孫權於柴桑

海內大亂，將軍起兵，據有江東，劉豫州亦收衆漢南，與曹操共爭天下。今操芟夷大難，略已平矣，遂破荊州，威震四海。英雄無所用武，故豫州遁逃至此。將軍量力而處之，若能以吳越之衆與中國抗衡，不如早與之絕。若不能當，何不案兵束甲，北面而事之？今將軍外託服從之名，而內懷猶豫之計，事急而不斷，禍

只要得此
勃然大事
都辦

至無日矣。權曰：苟如君言，劉豫州何不遂事之乎？亮曰：田橫齊之壯士耳，猶守義不辱。況劉豫州王室之胄，英才蓋世，衆士仰慕，若水之歸海，事之不濟，此乃天也，安能復爲之下乎？權勃然曰：吾不能舉全吳之地，十萬之衆，受制於人，吾計決矣。非劉豫州莫可以當曹操者。然豫州新敗之後，安能抗此難乎？亮曰：豫州軍雖敗於長坂，今戰士還者及關羽水軍精甲萬人，劉琦合江夏戰士亦不下萬人。曹操之衆遠來疲敝，○敗以啗之追豫州一日一夜三百餘里，此所謂強弩之末勢，不能穿魯縞也。故兵法忌之，曰：必蹶上將。且北方

是時權來
請結好左
將軍欲見
之亮不可
至則周瑜
果請留之
權不從左
將軍歸歎
曰天下智
謀之士所
見略同

料○其卒
之人不習水戰○又荆州之民附操者逼兵勢耳非心
服也○將軍誠能命猛將統兵數萬與豫州協規同力○
暗指瑜、肅、等
破操軍必矣○操軍破必北還○如此則荆吳之執強鼎
足之形成○成敗之機在於今日○權大悅○即遣周瑜程
普魯肅等水軍三萬隨亮詣左將軍併力拒操○遂破
操於赤壁

諫孫權不可顯絕

夏吳孫權僭稱尊號其群臣以並尊二帝來告議者
以爲交之亡益名體弗順宜顯明正義絕其盟好亮
獨曰權有僭逆之心久矣國家所以畧其釁情者求

掎角之援也。今若加顯絕讐。我必深便。將移兵東戍。與之角力。須并其土。乃議中原。彼賢才尚多。將相輯睦。未可一朝定也。頓兵相持。坐而須老。使北賊得計。非筭之上者。孝文卑詞匈奴。先帝復與吳盟。皆應權通變。弘思遠益。非匹夫之爲分者也。今議者咸以權利在鼎足。不能并力。且志望已滿。亡上岸之情。推此皆似是而非也。何者。其執不侔。故限江自保。權之不能越江。猶魏賊之不能渡漢。非力有餘。而利不取也。若大軍致討。彼高當分裂其土。以爲後規。下當略民。廣境示武。於內非端坐者也。若就其不動而睦於我。

我之北伐亡東顧之憂河南之衆不得盡西北之爲
利亦已深矣權僭逆之辜未宜明也乃遣衛尉陳震
往賀權權約中分天下

樊姚掾

忠益者莫大於進人進人者各務其所尚今姚掾並
存剛柔以廣文武之用可謂博雅矣願諸掾各舉此
事

勸將士勤攻已之闕

大軍在祁山箕谷皆多於賊而不能破賊爲所破者
則此病不在兵少也在一人耳今欲減兵省將明罰

攻過之策
是謂攻心

思過校變通之道於將來。若不能然者。雖兵多何益。
自今以後。諸有忠慮於國。但勤攻吾之闕。則事可定。
賊可死。功可躋足而待矣。

悉收孟獲等爲官屬

李靖曰。七禽孟獲。無亡道也。正兵而已矣。

亮至滇池。四郡皆平。卽其渠帥而用之。或以諫亮。
亮曰。若留外人。則當留兵。兵留則人所食如夷。新傷破。
父兄死喪。留外人而亡。兵必生患。又吏累有廢殺之。
舉。自知釁重。留外人終不相信。今吾欲不留兵運糧。
而紀綱粗定。夷漢粗安。不亦可乎。乃悉收其豪傑孟
獲等。以爲官屬。出其金銀丹漆耕牛戰馬。以及軍國

七縱七禽
傳止以
詭括之
爲之修飾
此

之用終亮世夷不復反

屯田久駐

智氏曰武
侯屯五丈
原時自料
年取魏
而司馬懿
則以食少
事煩料武
侯旦夕且
死懿言戰
而武侯不
驗然死諸
葛能走生
仲達何也
一心二心
之別也
張裔曰公

司馬懿渡渭背水為壘以拒亮亮每患根運不繼使
已志不伸乃分兵屯田為久駐之基耕者雜於渭濱
居民之間而百姓安堵軍亡私焉亮數挑戰懿不敢
出亮遣遺巾綳懿患之上表請戰魏主叡使辛毗杖
節為軍師以制之亮謂其下曰彼本亡戰情所以固
請戰者示武於其衆耳將在軍君命有所不受苟能
制吾豈千里而請戰邪

罷來敏教

賞不遺遠
罰不阿近
爵不可以
無功取刑
不可以貴
執免此賢
愚所以僉
忘其身也

將軍來敏對上官顯言新人有何功德而奪我榮資
與之邪諸人共憎我何故如是敏年老狂悖生此怨
言昔成都初定議者以爲來敏亂群先帝以新定之
際故遂含容亡所禮用後劉子初選以爲太子家令
先帝不悅而不忍拒也今上卽位吾聞于知人遂復
擢爲將軍祭酒違議者之審見背先帝所疎外自謂
能以敦厲薄俗帥之以義今旣不能表退職使閉門
思愆

戒外甥

夫志當存高遠慕先賢絕情欲棄凝滯使庶幾之情

揭○然○有○所○存○惻○然○有○所○感○忍○屈○伸○去○細○碎○廣○容○問○除○
嫌○吝○何○損○於○美○趣○何○患○於○不○濟○若○志○不○強○毅○意○不○忼○
慨○徒○碌○碌○滯○於○俗○默○默○束○於○情○永○羸○伏○於○凡○庸○不○免○
於○下○流○也○

戒子

君○子○之○行○靜○以○修○身○儉○以○養○德○非○澹○泊○無○以○明○志○非○
寧○靜○無○以○致○遠○夫○學○須○靜○也○才○須○學○也○非○學○無○以○廣○
才○非○靜○無○以○成○學○惰○慢○則○不○能○研○精○險○躁○則○不○能○理○
性○年○與○時○馳○意○與○歲○去○遂○成○枯○落○悲○嘆○窮○廬○將○復○何○
及○也○

新書

散地則勿戰輕地則勿止爭地則勿攻文地則勿絕
衝地則合交重地則掠北地則行圍地則謀死地則

戰○軍行為陣之法理亦多端昔者大聖軒轅作八十餘

陣皆盡圖以傳於世罕有知之者其法大槩或以奇

為正或以正為奇奇正相生如環之無端不可終窮

也陣間容隊隊間容陣以前為後以後為前進無速

奔退無遽走擊頭則尾應擊尾則頭應擊中則兩頭

俱應變態亡窮不離乎四奇八正以步軍為正馬軍

為奇夫四奇者一曰前奇二曰右奇三曰右角四曰

北明陣說

止此矣按

臨邛有火

并漢盛則

歲恒靈火

執漸微孔

明一窺更

盛景耀元

年燭投即

滅其年蜀

并子魏

蒲元為孔

明鑄刀可

言漢水

鈍弱不任
粹用蜀江
爽烈是謂
大精之元
氣天分其
楚所謂天
作時作而
人作者乎

五行天地人
左爪五曰右爪六曰左牙七曰右牙八曰後軍常以

一奇當二正前奇當先鋒左角右奇當右角爪右奇

當左爪牙後奇當右牙後軍四奇皆敗稟於大將入

正皆敗稟於四奇故正常以奇為首所謂以寡制衆

者此也居則各視其奇之所止出則各視其奇之所

行行則奇常居前卒然遇敵觸處為首兵觸前則前

奇為應觸左則左奇應觸右則右奇應觸後則後奇

應行則前奇居前次先鋒次左角次右角次右爪次

左爪奇次右爪次左牙次後奇以右牙次後軍正則

四頭八尾遇敵則觸處為首應敵則擊尾而首至此

孫有西机
曰古之良
將來不可
敵去不可
追坐不可
守固不可
圍
李靖曰方
生於步員
生於高方
所以矩其
步員所以
綴其旋是
以步數定
于地行綴
齊則变化
不乱八變
為六武族
之舊法焉

為陣之要也

布陣

夫謀攻之法大則攻城小則堊戰攻

城為下不與戰而必全得之為上我欲戰敵雖高

壘深溝不得不與我戰者攻其所必救也我不欲戰

雖畫地而守之敵不得與我戰者乖其所之也故形

人而我亡形則我專為一敵分為十是以十攻其一

也則我衆敵寡能以衆敵寡則吾之所與戰者約矣

謀夫金鼓所以威耳於左所以目禁令刑罰所以

威心耳威於聲不可不聰目威於色不可不明心威

於形不可不嚴三者不立雖有百萬何益於夫

應變者敵衆我寡當避之於易邀之於阨故曰以十

擊百莫善於阨。以千擊萬莫善於阻。今有少卒猛起。擊金鳴鼓於阨路。雖有大軍莫不驚駭。故曰用衆務易。用少務險。假使士卒數萬皆大險阻。右山左水深。溝高壘守。以强弩退如山。移進如雲。雨糧食又多。難與久守。此非騎卒之力。智者之謀也。應變據險

心書

夫兵權者是三軍之司命。主將之威執。將能執兵之權。操兵之執。而臨羣下。譬如猛虎加之羽翼。而翱翔四海。隨所遇而施之。若將失權。不操其勢。亦如魚龍脫於江湖。欲求游洋之執。奔濤戲浪。何可得也。機見

李靖分兵
法為三等

一曰道張

良庖蠶孫

武以之二

曰天地樂

殺管仲諸

葛亮以之

三曰將法

王猛謝安

以之

心欲一者

見利不貪

美不淫

其身狗國

賢如不及從諫若順流寬而能剛勇而多計此謂之

大將才將將之器其用大小不同若乃營其奸伺其禍

為衆所服此十夫之將夙興夜寐言詞密察此百夫

之將直而有慮勇而能鬪此千夫之將外貌桓桓中

情烈烈知人勤勞惜人飢寒此萬人之將近賢進能

日慎一日誠信寬大閑於理亂此十萬人之將仁愛

洽於下信義服鄰國上曉天文中察人事下識地理

四海之內視如家室此天下之將將戰欲奇謀欲密

衆欲靜心欲一善將夫為將之道必順天因時依人以

立勝也故天作時不作而人作是謂逆時時作天不

劉定之曰
劉璋雖漢
宗竊據一
隅直更始
劉盆子等
取之有何
不可紫陽
猶褒為百
代殊絕人
物而吳少
廬論理學
遂駭之為
不著不察
中人言不
可不慎也

作而人作是謂逆天。天作時作而人不作是謂逆人。
智者不逆天。亦不逆時。亦不逆人也。用智將有五強。八
惡。高節可以厲俗。孝弟可以揚名。信義可以交友。沉
慮可以容衆。力行可以建功。此將之五強也。謀不能
料。是非禮不能任賢。良政不能正刑法。富不能濟窮
厄。知不能備未形。慮不能防微密。達不能舉所知。敗
不能亡怨謫。此謂之八惡也。將強夫為將者必有腹心
耳。耳爪牙。亡腹心者如人夜行亡所措手足。亡耳目
者如冥然而居。不知運動。亡爪牙者如飢人食毒物。
亡不死矣。故善將者必有博學。多智。為腹心。沉審。謹

戒脩篇曰
國之大務
莫先於戒
脩覆軍殺
將執不踰
息可不加
哉

密爲耳目。勇捍善敵者爲爪牙。腹靜若魚潛。動若奔
獾。散其所連。而折其所強。耀以旌旗。戒以金鼓。退若
山移。進如風雨。擊崩若摧。合戰如虎。不倍兵以攻
弱。不恃衆以輕敵。不傲才以驕人。不以寵而作威。先
計而後動。知勝而始戰。得其財帛。不自寶。得其子女。
不自使。將夫以愚克智。命也。以智克愚。順也。以智克
智。機也。其道有三。一曰事。二曰勢。三曰情。事。機作而
不能應。非智也。勢。機動而不能制。非賢也。情。機發而
不能行。非勇也。善將者。必因機而立勝。機形。吳起曰。鼓
鞮金鐸。所以威耳。旌幟。所以威目。禁令刑罰。所以威

心耳威以聲。不可不清。目威以容。不可不明。心威以
刑。不可不嚴。三者不立。士可怠也。故曰將之所麾。莫
不心移。將之所指。莫不前死矣。重刑賢才居上。不肖居
下。三軍悅樂。士卒畏思。相議以勇。聞相望以威武。相
勸以刑賞。此必勝之徵也。三軍數驚。士卒惰慢。下亡
禮信。人不畏法。相恐以敵。相語以利。相囑以禍福。相
惑以妖言。此必敗之徵也。勝敗古之善將者。養人如養
已。子有難。則以身先之。有功。則以身後之。死者哀而
葬之。傷者泣而撫之。飢者捨食而食之。寒者解衣而
衣之。智者禮而祿之。勇者賞而勸之。將能若此。所向

整師篇曰

居則有禮

動則有威

威令篇曰

不可輕

不可逆

將情而

令可行

頁上官

甚低

必俛

武族

必捷矣。哀夫少木叢集利以遊逸重塞山林利以不

意前林亡隱利以潛伏以少擊衆利以日暮以衆擊

寡利以清晨强弩長兵利以捷次踰淵隔水風火暗

昧利以搏前擒後。利使聖人則天賢者法地智者修古

驕者招毀妄者稔禍多語者寡信自奉者寡恩。勉自夫

爲將之道軍井未汲將不言渴軍食未熟將不言飢

軍火未燃將不言寒軍幕未施將不言困夏不操扇

冬不服裘雨不張蓋與衆同也。將情東夷之性薄禮少

義捍急能鬪依山塹海憑險自固上下和睦百姓安

樂未可圖也若上亂下離則可以行間間起則隙生

邊制欲其
敬朝廷也
高者必禍
苗民家家
供武侯像
取穀逐顆
剥米日不
暇給或云
侯之靈俾
弗獲閒居
思背叛也
斬雍閭會
孟獲立石
誓云後有
功在吾上
立石在于
右狄青破
限智高碑
立而雷擊

隙生則修文教以來之同兵甲以擊之其勢必剋也
東夷南蠻多種性不能教連合朋黨失意則相攻居洞
依山或聚或散西至崑崙東至洋海產出奇貨故人
貪而勇戰春夏多疾疫利在疾戰不可久師也
南西戎之性勇悍好利或城居或埜處米糧少金貝多故
人勇戰鬪難敗自積石以西諸戎種繁地廣形險俗
負強狠故人多不臣當候之以外蠻蠻之以內亂則
可破矣
西戎北狄居亡城郭隨逐水少執利則南侵勢
失則北遁長山廣蹟足以自衛飢則捕獸飲乳寒則
寢皮服裘奔走射獵以殺爲務未可以道德懷之未

可以○兵○戎○服○之○漢○不○與○戰○其○略○有○三○漢○卒○且○畊○且○戰○
故○疲○而○怯○虜○但○牧○獵○故○逸○而○勇○以○疲○敵○逸○以○怯○敵○勇○
不○相○當○也○此○不○可○戰○一○也○漢○長○於○步○日○馳○百○里○虜○長○
於○騎○日○乃○倍○之○漢○逐○虜○則○賁○糧○負○甲○而○隨○之○虜○逐○漢○
則○驅○疾○騎○而○運○之○運○負○之○勢○已○殊○走○逐○之○形○不○等○此○
不○可○戰○二○也○漢○戰○多○步○虜○戰○多○騎○爭○地○形○之○勢○則○騎○
疾○於○步○遲○疾○勢○懸○此○不○可○戰○三○也○不○得○已○則○莫○若○守○
邊○守○邊○之○道○揀○良○將○而○任○之○訓○銳○士○以○禦○之○廣○營○田○
而○實○之○設○烽○堠○而○待○之○候○其○虛○而○乘○意○因○其○衰○而○取○
之○則○所○謂○資○不○費○而○寇○自○除○人○不○疲○亡○虜○自○寬○矣○

諫諸葛亮書

漢楊顥

爲治有體。上下不可相侵。請爲明公以作家譬之。今有人使奴執畊稼。婢典炊爨。雞主司晨。犬主吠盜。牛喘重載。馬涉遠路。私業無曠。所求皆足。雍容高枕。飲食而已。忽一旦盡欲以身親其役。不復付任。勞其體力。爲此碎務。形疲神困。終無一成。豈其智之不如奴婢雞狗哉。失爲家主之法也。是故古人稱坐而論道。謂之王公。作而行之。謂之士大夫。故邴吉不問橫道死人而憂牛喘。陳平不肯知錢穀之數。云自有主者。彼誠達於位分之體也。今明公爲治。乃躬自校簿書。

附三國之文
三國文字自出師表而外寥寥矣予故哀集一二附武侯之後

漢

語呂布

王允

昭烈亦云
老將至矣
功業不成
是以悲耳

若蒙社稷之靈上安國家吾之願也如其不獲則奉
身以死之朝廷幼少恃我而已臨難苟免吾不忍也
弩力謝關東諸公勤以國家為念

品物

陳登

昭烈曰元
龍雄武胆
志當求之
於古耳造
次難得此
也

夫。閨。門。雍。穆。有。德。有。行。吾。敬。陳。元。方。兄。弟。淵。清。玉。潔。
有。禮。有。法。吾。敬。華。子。魚。清。修。疾。惡。有。識。有。義。吾。敬。趙。
元。達。博。聞。強。記。奇。逸。卓。犖。吾。敬。孔。文。舉。雄。姿。傑。出。有。

王伯之略吾敬劉玄德所敬如此何驕之有餘子瑣瑣亦焉足錄哉

諫錄許靖

法正

天下有獲虛譽而亡其實者許靖是也然今主公始創大業天下之人不可戶說靖之浮稱播流四海若初靖為蜀守將喻城降事其不禮天下之人以是謂主公為賤賢也宜加敬重以眩遠近追昔燕昭王之待郭隗

語張遼

關羽

吾極知曹公待我厚然吾受劉將軍厚恩誓以共死不可背之吾終不畱吾要當立効以報曹公乃去耳

答孫權贈寶刀

費 禪

臣以不才何以堪明命。然刀所以討不庭禁暴亂者也。但願大王勉建功業。同獎漢室。臣雖闇弱。終不負東顧。

權數醉。禪問以國事。輒辭以醉。退而條答。無所遺失。權甚重之。

答孫權大醉語

董 恢

孫權常大醉。問費禪曰。楊儀魏延。牧豎小人也。雖常有鳴吠之益於時務。然既已任之。執不得輕。若一朝亡諸葛亮。必為禍亂矣。諸君憤憤。曾不知防慮於此。豈所謂貽厥孫謀乎。禪愕然。未對。董恢曰。儀延之不協。起於私忿。而亡黥韓。難御之心。今方掃除彊賊。混

亦忠言也。

一函夏功以才成業。由才廣。若舍此不任防其後患。
是猶備有風波而逆廢舟楫。非長策也。權大笑樂。諸
葛亮聞之以爲知言。

疏漢中王

費詩

殿下以曹操父子偏主篡位。故乃羈旅萬里。糾合土
衆。將以討賊。今大敵未克。而先自立。恐人心疑惑。後
高祖與楚約。先破秦者王。及屠咸陽。獲子嬰。猶懷推
諡。況今殿下未出門庭。便欲自立邪。愚臣誠不爲殿下
取也。

諫前將軍

費詩

詩不磨
惜其沮受
漢中王爲
暗於時務
也

夫立王業者所用非一昔蕭曹與高祖少小親舊而
陳韓亡命後至論其班列韓最居上未聞蕭曹以此
爲怨今漢王以一時之功隆崇於漢室然意之輕重
當與君侯齊乎且王與君侯譬猶一體同休等威禍
福共之愚謂君侯不宜計官號之高下爵祿之多少
爲意也僕一介之使銜命之人君侯不受拜如是便
還但相爲惜此舉動恐有後悔耳羽大感悟卽受拜
此關公所以超逸絕群也如公而後謂之超逸如
武侯羽扇指揮軍事而司馬謂之名士齒牙可易
借哉

與諸葛武侯書

馬良

聞雒城已拔此天祚也尊兄應期贊世配業光國魄
兆見矣夫變用雅慮審貴垂明於以簡才宜適其時
若乃和光悅遠邁德天壤使時閑於聽世服於道齊
高妙之音正鄭衛之聲並利於世無相奪倫此乃管
絃之至牙曠之調也雖非鍾期敢不擊節先主辟良
爲左將軍掾後遣使與良謂亮曰今衡國命協穆二
家幸爲良介於孫將軍亮曰君試自爲文良卽爲艸
曰寡君遣掾馬良通聘繼好以紹昆吾豕韋之勲其
人吉士荆楚之令鮮於造次之華而有克終之美願

降心有納以慰將命權敬待之

與袁術書

呂布

足下恃軍強盛常言猛將武士欲相吞滅每抑止之耳布雖亡勇虎步淮南一時之間足下鼠竄壽春亡出頭者猛將武士爲悉何在足下喜爲大言以誣天下天下之人安可盡誣古者兵交使在其間造策者非布先唱也相去不遠可復相聞

與蕭建書

呂布

天下舉兵本以誅董卓耳布殺卓來詣關東欲求兵西迎大駕光復洛京諸將自還相攻莫肯念國布五

原人也去徐州五千餘里乃在天西北角今不來共
爭天東南之地莒與下邳相去不遠宜當共通君如
自遂以爲郡郡作帝縣縣自王也昔樂毅攻齊呼吸
下齊七十餘城惟莒即墨未下所以然者中有田單
故也布雖非樂毅君亦非田單可取布書與智者詳
共議之

二書氣岸可畏而周練不及瑜肅

與王商書

秦 宓

初伏匿甫知足下爲嚴李立祠可謂厚黨勤類者

觀嚴文章冠冑天下由夷逸操山出不移使楊子

表章相如
以其文章
而力排戰
國權殺
人自生又
似不以文
章斬人者

不歎固自昭明。如李仲元不遭法言。令名必淪其亾。
虎豹之文故也。可謂攀龍附鳳者矣。如楊子雲潛心
著述。有補于世。泥蟠不滓。行參聖師。于今海內談詠
厥辭。邦有斯人。以耀四遠。怪子替茲。不立祠堂。蜀本
無學士。文翁遣相如。東受七經。還教吏民。于是蜀學
比于齊魯。故地里志曰。文翁倡其教。相如爲之師。漢
家得士。盛于其世。仲舒之徒。不達封禪。相如制其禮。
夫能制禮造樂。移風易俗。非禮所秩。有益于世者乎。
雖有王孫之累。猶孔子大齊桓公之伯。公羊賢叔術
之讓。僕亦善長卿之化。宜立祠堂。速定其銘。

快舉
快論

是能曝背
龐顯之中
者又答王
商書云處
至虛之名
且不靈之

薦儒士任安

秦 宓

昔百里蹇叔以耆艾而定策甘羅子奇以童冠而立
功故書美黃髮而易稱顏淵固知選士用能不拘長
幼明矣乃者以來海內察舉率多英雋而遺舊齒衆
論不齊異同相半此乃承平之翔步非亂世之急務
也夫欲救危撫亂修已以安人則宜卓犖超倫與時
殊趣震驚鄰國駭動四方上當天心下合人意天人
既和內省不疚雖遭凶亂何憂何患管葉公好龍神
龍下之好偽徹天何況于真今處士任安仁義直道
流名四遠如今見察則一州斯服昔湯舉伊尹不仁

者遠何武貢二龔雙名竹帛故食尋長之高而忽萬
仞之嵩樂而前之飾而忘天下之譽斯誠徃古之所
重慎也甫欲鑿石索玉剖蚌求珠今乃隋和炳然有
如皎日復何疑焉誠知晝不操燭日有餘光但餘情
區區貪陳所見

與郤正論讀書

孟 亮

讀書不務
其急此古
今劇病

吾好直言亡所迴避每彈射利病爲世人所譏嫌疑
省君意亦不甚好吾言然語有次今天下未定智意
爲先智意須有自然然不可力强致也之諸君讀書
寧當倣吾等竭力博識以待訪問如博士採策講武

以求爵位邪當務其急者

論益州田土

吳雲

霍去病以匈奴未滅亡用家爲。今國賊非但匈奴未
可求安也。須天下都定。各反桑梓。歸耕本土。乃其宜
耳。益州人民初罹兵革。田宅皆可歸還。令安居復業。
然後可役調。得其民心。

諫討孫權

國賊是曹操。非孫權也。且先滅魏。則吳自服。操身雖
斃。子丕篡盜。當因衆心。早圖關中。居河渭上流。以討
凶逆。關東義士必裹糧策馬以迎王師。不應置魏先

與吳戰。兵執一交。不得卒解矣。

論姜伯約

姜伯約據上將之重。處羣臣之右。宅舍敝薄。資財無餘。側室無妾媵之褻。後庭無聲樂之娛。衣服取供。輿馬取備。飲食節制。不奢不約。官給費用。隨手消盡。察其所以然者。非以激貪厲濁。抑情自割也。直謂如是爲足。不在多求。凡人之談。常譽成毀。取扶高抑下。咸以姜維投厝無所。身死宗滅。以是貶削。不復料擿。異乎春秋褒貶之義矣。如姜維之樂學不倦。清素節約。自一時之儀表也。

陳壽音爲
聲吏爲瞻
所辱致恩
黃皓而不
註通鑑父
死節可
已軍天何
人無

諸葛瞻父子死節語

鄧艾遣書誘諸葛瞻曰若降者必表爲琅邪王瞻怒
斬艾使遂戰大敗臨陣死時年三十七衆皆離散艾
長驅至成都瞻歿於陣時長子尚從嘆曰父子荷國
重恩不蚤斬黃皓以致傾敗用生何爲乃馳赴魏軍
死瞻曰事之不濟則已耳安能復爲之下

北地王死節語

後主將從譙周之策北地王譙怒曰若禮窮力屈禍
敗必及便當父子背城一戰同死社稷以見先帝可
也遂自殺

魏

辭先主

徐庶

先主南行諸葛亮與徐庶並從爲曹公追破獲庶母
庶辭先主而指其心曰本欲與將軍共圖王伯之業
者以此方寸之地今已失老母方寸亂矣請從此別
不帝劉虞

曹操

董卓之皐暴于四海吾等合大衆興義兵而遠近莫
不響應此以義動故也今幼主微弱制于奸臣未有
昌邑亡國之釁而一旦改易天下其孰安之諸君北
面我自西向

釋先主

曹操

方今收英雄時也。殺一人而失天下之心。不可。

議東擊漢

曹操

夫劉備人傑也。今不擊。必為後患。袁紹雖有大志。而見事遲。必不動也。又曰紹志大而知小色。厲而膽薄。忌克而少威。兵多而分畫不明。將

驕而政令不一。又曰設使國家無孤。不知幾人稱帝。幾人稱王。

為操言玄德英雄

郭嘉

公提劍起義兵。為百姓除暴。推誠仗義。信以招俊傑。

猶思其未也。今玄德有英雄之名。以窮歸已。而害之。

是以害賢為名。則智士將自疑。回心擇主。公誰與定。

天下夫除一人之患以沮四海之望安危之機不可不察。

料孫策

郭嘉

策新并江東所誅皆英豪雄傑能得人死力者也然策輕而亡備雖有百萬之衆亡異于獨行中原也若刺客伏起一人之敵耳以吾觀之必死于匹夫之手。

策臨江未濟果爲許貢客所殺

料表紹

郭嘉

表紹愛此二子莫適立也有郭圖逢已爲之謀臣必交鬪其間還相離也急之則相持緩之而後爭心生。

不如南向荊州。若攻劉表者。以待其變。變成而後擊之。可一舉而定也。

料劉表

浪嘉

公雖威震天下。胡恃其遠。必不設備。因其亡備卒然擊之。可破滅也。且袁紹有恩于民夷。而尚兄弟生存。今四州之民。徒以威附德施。未加舍而南征。尚因烏丸之資。招其死主之臣。胡人一動。民夷俱應。以生蹋頓之心。成覬覦之計。恐青冀非已之有也。表坐談客耳。自知才不足以御備。重任之則恐不能制。輕任之則備不爲用。雖虛國遠征。公亡憂矣。

諫曹操

蔣濟

今有所急務唯當息耗百姓不至甚弊。弊効之民儻有水旱百萬之衆不爲國用。凡使民必須農隙不奪其時。夫欲大興功之君先料其民力而燠休之。勾踐養胎以待用。昭王恤病以雪仇。故能以弱燕服強齊。羸越滅勁吳。以陛下明聖神武之略舍其緩者專心討賊臣以爲亡難矣。又歡娛之耽害于精爽神太用則竭形太勞則敝。願大簡賢妙足以充百斯男者其冗散未齒且悉分出務在清靜。

舉孝廉議

華歆

三府議舉孝廉本以德行不復限以試經歆以爲喪
亂以來六籍墮廢當務存立以崇王道夫制法者所
以經盛衰今聽孝廉不以經試恐學業遂從此而廢
若有秀異可特徵用患於無其人何患不得哉

與曹操議選用

和洽

天下太器在位與人不可以一節儉也儉素過中自
以處身則可以此節格物所失或多今朝廷之議吏
有着新衣乘好車者謂之不清長吏過營形容不飾
衣裘敝壞者謂之廉潔至令士大夫故污辱其衣藏
其輿服朝府大吏或自挈壺餐以入官寺夫立教觀

俗貴處中庸爲可繼也。今崇一槩難堪之行。以檢殊塗。勉而爲之。必有疲瘁。古之大教務在通人情而已。凡激詭之行。則容隱僞矣。

陳末流之弊

董昭

凡有天下者。莫不貴尚敦朴忠信之士。深疾虛僞。不真之人者。以其毀教亂治。敗俗傷化也。近魏諷則伏誅。建安之末。曹偉則斬戮。黃初之始。伏惟前後聖詔。深疾浮僞。欲以破散邪黨。常用切齒而執法之吏。皆畏其權勢。莫能糾擿。毀壞風俗。侵欲滋甚。竊見當今年少。不復以學問爲本。專更以交游爲業。國士不以

孝○弟○清○修○爲○首○乃○以○趨○執○游○利○爲○先○合○黨○連○群○互○相○
褒○歎○以○毀○訾○爲○罰○戮○用○黨○譽○爲○爵○賞○附○已○者○則○歎○之○
盈○言○不○附○者○則○爲○作○暇○釁○至○乃○相○謂○今○世○何○憂○不○度○
邪○但○求○人○道○不○勤○羅○之○不○博○耳○又○何○患○其○不○知○已○矣○
但○當○吞○之○以○藥○而○氣○調○耳○又○聞○或○有○使○奴○客○名○作○在○
職○家○人○冒○之○出○入○逞○來○禁○與○交○通○書○疏○有○所○探○問○凡○
此○諸○事○皆○法○之○所○不○取○刑○之○所○不○赦○惟○諷○偉○之○罪○無○
以○加○也○

鍾繇毛玠詰對

鍾繇詰毛玠曰司徒之職男子入于罪隸女子入于

錄秦據指
詰玠其詞
意自寡

春橐漢律罪人妻子沒爲奴婢黥墨之刑入于古典
此何以負于神明之意而當致旱按典謀急恒寒若
舒恒燠若寬則亢陽所以爲旱玠之吐言以爲寬邪
以爲急邪急當陰霖何以反旱成湯聖世埜無生艸
周宣令主旱魃爲虐亢旱以來積三十年歸咎黥面
爲相值不玠譏謗之言流于下民不悅之聲上聞聖
聽且以狀對玠曰臣聞蕭生縊死困于石顯賈子放
外讒在絳灌白起賜劔于杜郵晁錯致誅于東市伍
員絕命于吳都斯數子者或妬其前或害其後臣垂
髻執簡累勤取官職在機近人事所竄屬臣以私亡

執不絕語臣以寃亡細不理人情淫利爲法所禁法
禁于利執能害之青蠅橫生爲臣作謗謗臣之人執
不在它昔王叔陳生爭正王廷宜子平理命舉其契
是非有宜曲直有所春秋嘉焉是以書之臣不言此
無有時人說臣此言必有徵要乞蒙宣子之辨而求
王叔之對若臣以曲聞卽刑之日方之安駟之贈賜
劒之來比之重賞之惠謹以狀對有卽玠者出見踪
面反者其妻子沒
爲官奴婢玠言曰使
天不雨者蓋此也

吳

報陸遜書

孫權

初使蜀道
好與壯弟
亮俱公會
相見退無
私面

故曰蜀得
其龍其得
其虎魏得
其狗

諸葛瑾之在南郡人有密讒瑾者語頗流聞於外陸遜表保明瑾亡此宜以散其意權報曰子瑜與孤從事積年恩如骨肉深相明究其為人非道不行非義不言孤前得妄語文疏卽封示子瑜并手筆與子瑜卽得其報論天下君臣大節一定之分孤與子瑜可謂神交非外言所間也知卿意至輒封來表以示子瑜使知卿意又曰玄德昔遣孔明至吳孤嘗與子瑜曰卿與孔明同產且弟隨兄於義爲順何以不留若留從卿孤當以書解玄德意自隨人耳子瑜答孤言弟亮以失身於人委質定分義亾二心弟之不留猶

瑾之不往也。其言足貫神明。今豈當有此乎。

與嚴峻評子敬子衡

孫權

初權移都建業大會將相文武時謂嚴峻曰孤昔歎魯子敬比鄧禹呂子衡方吳漢聞卿諸人未平此論今定云何峻退席曰臣未解指趣謂肅範受饒褒歎過實權曰昔鄧仲華初見光武光武時受更始使撫河北行大司馬事耳未有帝王志也禹勸之以復漢業是禹初開議之端也子敬英爽有殊畧孤始與一語便及大計與禹相似故比之子衡忠篤亮直性雖好奢然以憂公爲先不足爲損避表術自歸于兄兄

作大將別領部曲故憂兄事乞爲都督辦護取整加之恪勤與吳漢相類故方之皆有旨趣非孤私之也

諫孫權

張昭

昔太后桓王不以老臣屬陛下而以陛下屬老臣是以思盡臣節以報厚恩使泯沒之後有可稱述而意慮淺短違逆盛旨自分幽淪長棄溝壑不圖復蒙引見得奉帷幄然臣愚心所以事國志在忠益畢命而已若乃變心易慮以偷榮取容此臣所不能也權宥怒昭

曰吳國士入宮則拜孤出宮則拜君孤之敬君亦爲至矣而數於衆人折孤孤常恐失計

公孫淵爲燕王

淵背魏。思討遠來求援。非本志也。若淵改圖。欲自明于魏。而使不反。不亦取于天下乎。

諫孫策勿質子

周瑜

昔楚國初封于荆山之側。不滿百里之地。繼嗣賢能。廣土開境。立基于郢。遂據荆陽。至于南海。傳業延祚。九百餘年。今將軍承父兄餘資。兼六郡之衆。兵精糧足。將士用命。鑄山爲銅。煮海爲鹽。境內富饒。人不思亂。汎舟舉帆。朝發夕到。士風勁勇。所向亡敵。有何偏迫。而欲送質。質一入。不得不與曹氏相首尾。與相首尾。則命召不得不往。便見制于人也。極不過一歲。印

僕從十餘人車數乘馬數匹豈與南面稱孤寡同哉
不如勿遣徐觀其變若曹氏能率義以正天下將軍
事之未晚若圖為暴亂兵猶火也不敢將自焚將軍
韜勇抗威以待天命何送賁之有權母曰公瑾議是

諫孫權勿迎曹操

周瑜

曹操雖托名漢相其實漢賊也將軍以神武雄才兼
杖父兄之烈割據江東地方數千里兵精足用英雄
樂業尚當橫行天下為漢家除殘去穢況操自送死
而可迎之邪請為將軍籌之今使北土已安操無內
憂能曠日持久來爭疆場又能與我較勝負于船楫

可乎。今北土既未平安。加馬超韓遂尚在關西。爲操
後患。且舍鞍馬。仗舟楫。與吳越爭衡。本非中國所長。
又今盛寒。馬無藁艸。驅中國士衆。遠涉江河之間。不
水土必生疾病。此數者用兵之患也。而燕皆冒行之。
將軍擒操。宜在今日。請請得精兵三萬人。進住夏口。
保爲將軍破之。

權遂拔刀斫前奏案曰諸將吏
敢復有言當逆操者與此案同

夜與孫權料曹兵

周瑜

諸人徒見曹操書言水步八十萬。而各恐懼。不復料
虛實。便開此議。甚無謂也。今以實校之。彼所將中國
人。不過十五六萬。且軍已久疲。所得表兵亦不極七

諸文胆極
壯步驟極
和

八萬耳尚懷狐疑。夫以疲病之卒，御狐疑之衆，衆數雖多，甚未足畏。得精兵五萬，自足制之。願將軍勿慮。權撫背曰：「公瑾，卿言至此，甚合孤心。」子布、衣、文、表、諸人各顧妻子，挾持私慮，望獨卿與子敬與孤同耳。此天以卿二人贊孤也。五萬兵難卒合，已選三萬人，船糧戰具俱辦。卿與子敬程公便在前發。孤當續發人衆，多載資糧，爲卿後援。卿能辦之者，誠決。邂逅不如意，便就還孤。孤當與孟德決之。」
諸葛瑾步騭連名與瑜子胤頌寬稱瑜盡節用命視死如歸

徙先主置吳疏

周瑜

劉備以梟雄之姿而有關羽張飛熊虎之將必非久
屈爲人用者。愚謂大計宜徙備置吳盛爲築宮室多
其美女玩好以娛其耳目。分此二人各置一方。使如
瑜者得挾與攻戰。大事可定也。今猥割土地以資業
之聚。此三人俱在疆場。恐蛟龍得雲雨終非池中物
也。

折蔣幹

周瑜

丈夫處世遇知己之主。外託君臣之義。內結骨肉之
恩。言行計從。禍福共之。假使蘇張更生。酈叟復出。猶
撫其背而折其辭。豈足下幼生所能移乎。

幹但咲終
無所言

諸京見孫權

周瑜

今曹操新折衄。方憂在腹心。未能與將軍連兵相事也。乞與奮威俱進取蜀。得蜀而并張魯。因留奮威固守其地。好與馬超結援。瑜還與將軍據襄陽。以賊操非方可圖也。初操聞瑜年少有美才。乃密下揚州。遣私行詣瑜。瑜出迎之。立謂幹曰。子翼良苦遠涉江湖。為曹氏說客。邪。幹曰。吾與足下州里中。間別。隔通聲。芳烈故來敘濶。并觀雅規。而云說客。母乃述詐乎。瑜曰。吾雖不及夔。曠。聞結賞音。足知推附也。

以魯肅自代疏

周瑜

瑜以凡才。昔受討逆殊特之遇。委于腹心。遂荷榮任。統御兵馬。志執鞭弭。自效戎行。規定巴蜀。次取襄陽。

此是臨事

不苟是三

國第一流

人諸葛武

亦只是

不苟

國以計

為上計

六曰事

憑賴威靈謂若在握至以不謹道遇暴疾昨自醫療
日加無損人生有死修短命矣誠不足惜但恨微志
未展不復奉教命耳方今曹操在北疆場未靜劉備
寄寓有似養虎天下之事未知始終此朝士盱食之
秋至尊垂虛之日也魯肅忠烈臨事不苟可以代瑜
人之將死其言也善倘或可采瑜死不朽矣

議昭烈不可留

魯肅

將軍雖神武命世然操威力實重初臨荊州恩信未
洽宜以借備使撫安之多操之敵而自為樹黨計之
上也

與孫權合榻對飲議

魯肅

管高帝區區欲尊帝而不獲者以項羽爲害也。今之曹操猶昔項羽將軍何由得爲桓文乎。肅竊料之。漢室不可復興。曹操不可卒除。爲將軍計。惟有鼎足江東。以觀天下之變。規模如此。亦自亡嫌。何者。北方誠多務也。因其多務。剿除黃祖。進伐劉表。竟長江所極。據而有之。然後建號帝王。以圖天下。此高帝之業也。

爲劉表卒進說

魯肅

夫荆楚與國鄰接。水流順北。外帶江漢。內沮山林。有金城之固。沃埜萬里。士民殷富。若據而有之。此帝王

之資也。今表新亡。二子素不輯睦。軍中諸將各有彼
此。加劉備天下之梟雄。與操有隙。寄寓于表。表惡其
能而不能用也。若備與彼協心。上下齊同。則宜撫安
與結盟好。如有離違。宜別圖之。以濟大事。肅請得奉
命弔表。二子并慰勞其軍中用事者。及說備使撫表
衆同心一意。共治曹操。備必喜而從命。如其克諧。天
下可定也。今不速往。恐爲操所先。

字字先着
沈雄之極

密議迎曹操

魯肅

向察衆人之議。專欲誤將軍。不足與圖大事。今肅可
迎操耳。如將軍不可也。何以言之。今肅迎操。操當以

肅還付鄉黨品其名位猶不失下曹從事乘犢車從
英、釁、作、事、自、度、不、敗、此、亦、飾、說、耳、
吏卒交游士林累官故不失州郡也將軍迎操欲安
所歸願蚤定大計莫用衆人之議

取荊州

今征虜守南郡潘璋住白帝蔣欽將游兵萬人循江
上下應敵所在蒙爲國家前據襄陽如此何憂于操
何賴于羽且羽君臣矜其詐力所在反覆不可以腹
心恃也今羽所以未便東向者以至尊聖明蒙等尚
存也今不於強壯時圖之一旦僵仆欲復陳力其可
得邪

論取徐州

呂蒙

今曹操遠在河北新破諸袁撫集幽冀未暇東顧徐
土守兵聞不足言往自可克然地執陸通驍騎所騁
至尊今日得徐州操後旬必來爭雖以七八萬人守
之猶當懷憂不如取羽全據長江形執益固

計戕關公

呂蒙

關羽討樊而多留備兵必恐蒙圖其後固也蒙常有

天○命○可○知○矣

病乞分士衆吏建業以治疾爲名羽聞之必徹備兵

盡赴襄陽大軍浮江晝夜馳上襲其空虛則南郡可

下而羽可禽也

按劔誚讓公室貴戚

陸遜

劉備天下知名。曹操所憚。今在境界。此疆封也。諸君並荷國恩。當相輯睦。共剪此敵。上報所受。而不相順。非所謂也。僕雖書生。受命主上。國家所以屈諸君使相承望者。以僕有尺寸可稱。能忍辱負重。故也。各任其事。豈復得亂軍令有常不可犯矣。

救西陵疏

陸抗

臣父遜昔在西垂。陳言以爲西陵國之西門。雖云易守。亦復易失。若有不守。非但失一郡。則荊州非吳有也。如其有虞。當傾國爭之。臣往在西陵。得涉遜跡前

乞精兵三萬而至者循常未肯差赴自步闢以後益
更損耗今臣所統千里受敵四處外禦強對內懷百
蠻而上下見兵財有數萬羸蔽日久難以待變臣愚
以爲諸王勿冲未統國事可且立傳相輔導賢能無
用兵馬以妨要務又黃門豎官開立占募兵民怨役
逋逃入占乞特詔簡閱一切料出以補疆場受敵常
處使臣所部足滿八萬省息衆務信其賞罰雖韓白
復生無所展巧若兵不增此制不改而欲克諸大事
此臣之所深感也

明者防禍于未萌。智者圖患于將來。知得。知失。可與
爲人。知存。知亡。足別吉凶。大軍之行。斥候不及。施烽
火。不及。舉此。非天命。必有內應。將軍不先見時。時至
又不應之。獨守縈帶之城。而不降。死戰。則毀宗滅祀。
爲天下譏笑。呂虎威欲徑到南郡。斷絕陸道。生路一
塞。案其地形。將軍爲在箕舌上耳。奔走不得。免降。則
失義。竊爲將軍不安。幸熟思焉。
士仁得書
流涕而降

晉糜芳

虞翻

虞翻嘗乘船行。與糜芳相逢。芳船上人多欲令翻自
避。先驅曰。避將軍。翻厲聲曰。失忠與信。何以事君。傾

長。玄。與。孔。
言。曰。虞。
願。為。
所。侵。
為。質。
磨。益。光。

人二城而稱將軍可乎芳闔戶不應而遽避之後翻
乘車行又經芳營吏閉門車不得過翻復怒曰當閉
反開當開反閉豈得事宜邪芳聞之有慙色翻性疏
直數有酒失孫權與張昭論及神仙翻指昭曰彼皆
死人而語神仙世豈有仙人也

放棄南方自歎

虞翻

自恨疏節骨體不媚犯上獲臯當長沒海隅生無可
與語死以青蠅為弔客使天下一人知己者其以不
恨

與人書

虞翻

虞翻年十二有候其兄者不過翻翻追與書曰僕聞
虎珀不取腐芥磁石不受曲鍼過而不存不亦宜乎

論繼呂岱治交州

薛綜

昔帝舜南巡卒于蒼梧秦置桂林南海象郡然則四
國之內屬也有自來矣趙地起番禺懷服百越之君
珠官之南是也漢武帝誅呂嘉開九郡設交趾刺史
以鎮監之山川長遠習俗不齊言語同異重譯乃通
民如禽獸長幼無別椎結徒跣貫頭左衽長吏之設
雖有若無自斯以來頗徙中國罪人雜居其間稍使
學書粗知言語使驛遣來觀見禮化及後錫光爲交

陞刺史任延爲九真太守乃教其耕犁使知冠履爲
設媒官始知聘娶建立學校導之經義由此已降四
百餘年頗有似類自臣昔客始至之時珠崖除州縣
嫁娶皆須八月引戶人民集會之時男女自相可適
乃爲夫妻父子不能止交陞廢冷九真都龐二縣皆
兄死弟妻其嫂世以此爲俗長吏恣聽不能禁制日
南郡男女保體不以爲羞由此言之可謂蟲豸有覲
面目耳然而土廣人衆阻險毒害易以爲亂難使從
治縣官羈縻示令威服田戶之租賦裁取供辦貴致
遠珍名珠香藥象牙犀角璚琬珊瑚璫璃鸚鵡翡翠

孔雀奇物充備寶玩不必仰其賦入以益中國也然
在九甸之外長吏之選類不精覈漢時法寬多自放
恣故數反爲法珠崖之廢起于長吏賭其好髮髡取
爲髮及臣所見南海黃蓋爲日南太守下車以供設
不豐搃殺主簿仍見驅逐九真太守儋萌爲妻父周
京作主人并請太吏酒酣作樂功曹番歆起舞屬京
京不肖起歆猶迫彊萌忿杖歆亡于郡內歆弟苗帥
衆攻府毒矢射萌萌至物故交趾太守士燮遣兵致
討卒不能克又故刺史會稽朱符多以鄉人虞褒劉
彥之徒分作長吏侵虐百姓強賦于民黃魚一枚兵

稻一斛百姓怨叛山賊並出攻州突郡符走入海流
離喪亡次得南陽張津與荊州牧劉表爲隙兵弱敵
強歲歲興軍諸將厭患去留自在津小檢攝威武不
足爲所陵侮遂至殺沒後得零陵賴恭先輩仁謹不

太慈不可

太剛不可

曉時事表又遣長沙吳巨爲蒼梧太守巨武夫輕悍
不爲恭服所取相怨恨逐出恭求步騭是昔津故將
夷廖錢博之徒尚多騭以次鉏治綱紀適定會仍召
出呂岱既至有士民之變越車南征平討之日改置
長吏章明王綱威加萬里大小承風由此言之綏邊
撫裔寔有其人牧伯之任旣以清德流之表禍福

尤甚今日交州雖名粗定尚有高梁宿賊其南海蒼梧鬱林珠官四郡界未綏依作寇盜專爲亡叛逋逃之藪若岱不復南新刺史宜得精密檢攝八郡方畧歷計智計能稍稍以漸能治高涼者假其威寵借之形執責其成效庶幾可補復如但中人近守常法亡奇數異術者則羣惡日滋久遠成害故國之安危在于所任不可不察也竊想朝廷忽輕其選故敢竭愚情以廣聖思

爲鄧艾白冤

段灼

鄧艾心懷至忠而荷反逆之名平定巴蜀而受夷滅

讀旨類頌
陳湯寃諸
篇而文彩
妙絕

之誅臣竊悼之情哉言艾之反也艾性剛急輕犯雅俗不能協同朋類故莫肯理之臣敢言艾不反之狀昔姜維有斷隴右之志艾修治脩守積穀強兵值歲凶旱艾爲區種身被烏衣手執耒耜以率將士上下相感莫不盡力艾持節守邊所統萬數而不難僕虜之勞士民之役非執節忠勤孰能若此故落門段谷之戰以少擊多摧破強賊先帝知其可任委艾廟勝授以長策艾受命亡身東馬縣車自投死地勇氣陵雲士衆乘執使劉禪君臣面縛叉手屈膝艾功名以成當書之竹帛傳祚萬世七十老公反欲無求艾誠

恃養育之恩。心不自疑。矯命承制。權安社稷。雖達常科。有合古義。原心定罪。本在可論。鍾會忌艾。威名構成。其事忠而受誅。信而見疑。頭縣馬市。諸子并斬。見之者垂泣。聳之者歎息。陛下龍興闡弘。大度釋諸嫌忌。受誅之家。不拘敘用。昔秦民憐白起之無罪。吳人傷子胥之冤酷。皆爲立祠。今天下民人爲艾悼心痛恨。亦猶是也。臣以爲艾身首分離。捐棄艸土。宜收安喪。還其田宅。以平蜀之功。紹封其孫。使闔棺定謚。死無餘恨。赦冤。覓于黃泉。收信義于後世。葬一人而天下慕其行。埋一魂而天下歸其義。所爲者寡而悅者衆。

眾矣。

廣平大守教

王肅

名籍

前太守盧毓語文曰此豈叛謁所可光飾哉

前在京都聞張子明來至問之會其已亡致痛惜之此君篤學隱居不與肯競以道樂身昔絳縣老人屈在泥塗趙孟升之諸侯用睦愍其耄勤好道而不蒙榮寵書到遣吏勞問其家顯題門戶務加殊異以慰既往以勸將來

籍三辭表紹曹操曹慮之招

教子

王昶

穎川郭伯益好尚通達敏而有知其為人弘曠不足輕貴有餘得其人重之如山不得其人忽之如草吾

以所知親之。昵之不願。兒子爲之。北海徐偉長不治
名高。不求苟得。澹然自守。惟道是務。其有所是非。則
托古人以見其意。當時亡所褒貶。吾敬之重之。願兒
子師之。東平劉公幹博學有高才。誠節有大意。然性
行不均。少所拘忌。得失足以相補。吾愛之重之。不願
兒子慕之。樂安任昭先淳粹履道內敏。外恕推遜。恭
讓處不避滂怯。而義勇在朝。忘身。吾友之善之。願兒
子遵之。若引而伸之。觸類而長之。汝其庶幾舉一隅
耳。及其用材。先九族。其施舍務周。急其出入存故老。
其議論貴無貶其止進尚忠節。其取人務道實。其處

世戒驕淫其貧賤慎無戚其進退念合宜其行事加九思如此而已矣吾復何憂哉

又曰伐則掩人矜則凌人故三郤爲戮于

晉王敘負罪於周不惟
矜其自伐好念之咎乎

古文奇賞卷之十二

古吳陳仁錫選評 仁和郎奎金重訂

與朝歌令吳質書 魏文帝

前後欽覽之勝風

五月十八日丕白季重無恙塗路雖局官守有限近局

景甚麗而

日樂往哀

來一口物

是人非慨

然塵世盈

虧之態

好客至此

用增勞每念昔日南皮之游誠不可忘既妙思六經
逍遙百氏彈碁間設終以六博高談娛心哀箏順耳
馳騁北場旅食南館浮甘瓜于清泉沈朱李于寒水
白日既匿繼以朗月同乘共載以游後園輿輪徐動
參從無聲清風夜起悲笳微吟樂往哀來愴然傷懷

元瑜想同
爲南皮游
看故及之

余顧而言斯樂難常足下之徒咸以爲然今果分別
各在一方元瑜長逝化爲異物每一念至何時可言
方今蕤賓紀時景風扇物天氣和暖衆果具繁時駕
而游北遵河曲從者鳴笳以啓路文學託乘于後車
節同時異物是人非我勞如何今遣騎到鄴故使枉
道相過行矣自愛丕白

與吳質書

二月三日丕白歲月易得別來行復四年三年不見
東山猶歎其遠况及過之思何可支雖云疏往返來
足解其勞結昔年疾疫親故多離其災徐陳應劉一

六子獨有
偉長與
彬彬君子
此見名節
之難

時俱逝痛可言邪昔日遊處行則連輿止則接席何
留須臾相失每至觴酌流行絲竹交奏酒酣耳熱仰
而賦詩當此之時忽然不自知樂也謂百年已分可
長共相保何圖數年之間零落殆盡言之傷心頃撰
其遺文都爲一集觀其姓名已爲鬼錄追思昔游猶
在心目而此諸子化爲糞壤可復道哉觀古今文人
類不護細行鮮能以名節自立而偉長徐獨懷文抱
質恬淡寡欲有箕山之志可謂彬彬君子者矣著中
論二十篇成一家之言辭義典雅足傳于後此子爲
不朽矣德璉常斐然有述作之意其才學足以著書

美志不遂良可痛惜間者歷覽諸子之文對之技淚

既痛逝者行自念也孔璋章表殊健微為繁富孔璋陳琳

字公幹有逸氣但未遭耳其五言詩之善者妙絕時

人公幹劉楨字元瑜書記翩翩致足樂也元瑜阮瑤字仲宣獨

自善于辭賦惜其體弱不足起其文至于所善古人

無以遠過仲宣王粲字昔伯牙絕絃於鍾期仲尼覆醢于

子路痛知音之難遇傷門人之莫逮諸子但為未及

古人亦自一時之儁也今之存者已不逮矣後生可

畏來者難誣恐吾與足下不及見也年行已長大所

懷萬端時有所慮至且夜不俱志意何時復類昔日

已。成老翁。但未白頭耳。光武有言。年已三十餘。在兵
中。十歲所更。非一。吾德不及之年。與之齊矣。以犬羊
之質。服虎豹之文。無衆星之明。假日月之光。動見瞻
觀。何時易乎。恐永不得復爲昔日游也。少壯真當努
力。年一過。往何可攀。援古人思秉燭夜游。良有以也。
頃何以自娛。頗復有所述造否。東望于邑。裁書敘心
丕白。



更所以自製動勇資視步否東望于邑吳舊城心
太平一歐卦同四筆卦古人思來欲交轉良言以心
堅固部暴乎恐永不醫醫然其目部亦小珠真前發
之資耶大添之支班果是之即知凡之米體以體
中未氣與真非一音對不矣之并與之衣天以大

人今錄金未前題在洪左亦言平月三十餘年矣

典論自敘

曹丕

初平之元董卓殺主鵠后蕩覆王室是時四海旣困
中平之政兼惡卓之凶逆家家思亂人人自危山東
牧守咸以春秋之義衛人討州吁于濮言人人皆得
討賊於是大興義兵名豪大俠富室強族飄揚雲會
萬里相赴交豫之師戰于滎陽河內之甲軍于孟津
卓遂遷大駕西都長安而山東大者連郡國中者嬰
城邑小者聚阡陌以還相吞併會黃巾盛于海嶽山
寇暴于并冀乘勝轉攻席卷而南鄉邑望烟而奔城
郭覩塵而潰百姓死亡暴骨如莽予時年五歲上以

世方擾亂教予學射又教予騎馬八歲而知騎射矣
以時之多故每征予嘗從建安初上南征荊州至宛
張繡降旬日而反亡兄孝廉子修從兄安民遇害時
予年十歲乘馬得脫夫文武之道各隨時而用生于
戎旅之間是以少好弓馬于今不衰逐禽輒十里馳
射常百步日多體健心每不厭建安十年始定冀州
滅貊貢良弓燕代獻名馬時歲之暮春勾芒司節和
風扇物弓燥手柔草淺獸肥與族兄子丹獵于鄴西
終日手獲麀鹿九雉兔三十後軍南征次曲蠡尚書
令荀彧奉使犒軍見予談論之末彧言聞君善左右

別此實難能予言執事未覩夫頃發口縱俯馬跡而
仰月支也或喜笑曰乃爾予曰埒有常徑的有常所
雖每發輒中非至妙也若馳平原赴豐草要狡獸截
輕禽使弓不虛彎所中必洞斯則妙矣時軍祭酒張
京在坐顧或拊手曰善予又學擊劍閱師多矣四方
之法各異惟京師爲善桓靈之間有虎賁王越善斯
術稱于京師河南史阿言昔與越遊具得其法予從
阿學之精熟嘗與平虜將軍劉勲奮威將軍鄧展等
共飲宿聞展善有手臂曉五兵又稱其能空手入白
刃予與論劍良久謂言將軍法非也予顧嘗好之又

得善術。因求與予對時。酒酣耳熱。方食竿簾。便以爲杖。下殿數交。三中其臂。左右大笑。展意不平。求更爲之。予言。吾法急屬難相中。面故齊臂耳。屢言願復一交。予知其欲突以取交中也。因僞深進展果尋前。一却脚。鄴正截其額。坐中驚視。予還坐笑曰。昔陽慶使淳于意去其故方。更授以秘術。今予亦願鄧將軍捐棄故伎。更受要道也。一坐盡歡。夫事不可自謂已長予少曉持複。自謂無對。俗名雙戟。爲坐鐵室。鑲櫛爲蔽。木戶後從陳國哀斂學。以單攻複。每爲若神。對家不知所坐。告曰。若逢斂于狹路。直決耳。予於此戲弄。

之。少所喜惟彈碁略盡其巧少爲之賦昔京師先
王有馬合鄉侯東方安世張公子嘗恨不得與彼數
子者對上雅好詩書文籍雖在軍旅手不釋卷每每
定省從容常言人少好學則思專長則善忘長大而
能勤學者唯吾與袁伯業耳予是以少誦詩論及長
而備歷五經四部史漢諸子百家之言靡不畢覽
此篇甚雋摹寫小技如畫從鄭叔段巷人之詩得
來○或以子桓生而好美卽位猶有童心惟薄葬
制能達生慮遠此未識英雄語也

而猶祖正聲四時史類諸子百家之言藝不畢製
諸姬學書與吾與袁伯業耳于是以少簡諸篇及此
步皆容容常言人也我學限思專其限善亦其大而
于香澧土部我詩書文辭雖去早然于不釋卷我
工書無合機與東文安世部公于嘗即不釋卷我

玄暢賦序

魏曹植

晉以來
竟第一
宜其
中無隙
諸子也

夫富者非財也。貴者非寶也。或有輕爵祿而重榮聲者。或有反性命而徇功名者。是以孔老異情。楊墨殊義。聊作賦名曰玄暢。

求自試表 二首

二語為臣
子者一服
急藥

臣植言。臣聞士之生世。入則事父。出則事君。事父尚於榮親。事君貴于興國。故慈父不能愛無益之子。仁君不能畜無用之臣。夫論德而授官者。成功之君也。量能而授爵者。畢命之臣也。故君無虛授。臣無虛受。虛授謂之謬舉。虛受謂之尸祿。詩之素餐。所由作也。

昔二虢不辭兩國之任其德厚也。且奭不讓燕魯之封其功大也。今臣蒙國重恩三世于今矣。正值陛下升平之際。沐浴聖澤。潛潤德教。可謂厚幸矣。而位竊東藩。爵在上列。身被輕煖。口厭百味。目極華靡。耳倦絲竹。者。爵重祿厚之所致也。退念古之受爵祿者。有異于此。皆以功勤濟國。輔主惠民。今臣無德可述。無功可紀。若此。終年無益國朝。將挂風人。彼其之譏。是以上慙玄冕。俯愧朱紱。方今天下一統。九州晏如。顧西尚有違命之蜀。東有不臣之吳。使邊境未得稅甲。謀士未得高枕者。誠欲混同宇內。以致太和也。故啓。

建文其
骨其人
力不弱

滅有扈而夏功昭成克商奄而周德著今陛下以聖
明統世將欲卒文武之功繼成康之隆簡良授能以
方叔邵虎之臣鎮衛四境爲國爪牙者可謂當矣然
而高鳥未挂于輕繳淵魚未懸于鈎餌者恐鈎射之
術或未盡也昔耿弇不俟光武亟擊張步言不以賊
遺于君父也故車右伏劍于明轂雍門刎首于齊境
若此二子豈惡生而尚死哉誠忿其慢主而凌君也
夫君之寵臣欲以除患興利臣之事君必殺身靜亂
以功報主也昔賈誼弱冠求試屬國請繫單于之頸
而制其命終軍以妙年使越欲得長纓占其王羈致

北闕此二臣者豈好爲夸主而曜世俗哉志或鬱結
欲逞其才力輸能于明君也昔漢武爲霍去病治第
辭曰匈奴未滅臣無以家爲夫憂國忘家捐軀濟難
忠臣之志也今臣居外非不厚也而寢不安席食不
遑味者以二方未尅爲念伏見先帝武臣宿兵年耆
卽世者有聞矣雖賢不乏世宿將舊卒猶習戰也竊
不自量志在效命庶立毛髮之功以報所受之恩若
使陛下出不世之詔效臣錐刀之用使得西屬大將
軍當一校之隊若東屬大司馬統偏師之任必乘危
臨險騁舟奮驪突刃觸鋒爲士卒先雖未能檣櫓

大之耻

子極喜子

文然北

陳孔璋文

寸畫大而

野朝士于

養豕亦聞

又字罵人

一案矣

亮庶將虜其雄率殲其醜類必效須臾之捷以滅終

身之愧使名挂史筆事列朝榮雖身分蜀境首懸吳

關猶生之年也如微才不試沒世無聞徒榮其軀而

豐其體生無益于事死無損于數虛荷上位而忝重

祿禽息鳥視終于白首此徒圜牢之養物非臣之所

志也流聞東軍失備師徒小衄輟食忘餐奮袂攘袵

撫劍東顧而心已馳于吳會矣臣昔從先武皇帝南

極赤岷東臨滄海西望玉門北出玄塞伏見所以行

師用兵之勢可謂神妙也故兵者不可豫言臨難而

制變者也志欲自效于明時立功于聖世每覽史籍

必辨到此

觀古忠臣義士出一朝之命以徇國家之難身雖屠

裂而功名著于景鍾名績垂于竹帛未嘗不撫心而

歎息也臣聞明王使臣不廢有罪故奔北敗軍之將

楚莊

衣

用而秦魯以成其功絕纓盜馬之臣赦而楚趙以濟

其難臣竊感先帝早崩威王棄世臣獨何人以堪長

久常恐先朝露填溝壑墳土未乾而身名並滅臣聞

騏驥長鳴伯樂昭其能盧狗其

知其才是以

効之齊楚之路以逞千里之任試之狡兔之捷以驗

搏噬之用今臣志狗馬之微功竊自惟度終無伯樂

韓國之舉是以於悒而竊自痛者也夫臨博而企竦

聞樂而竊抃者或有賞音而識道也昔毛遂趙之陪
隸猶假錐囊之喻以寤主立功何況巍巍大魏多士
之朝而無慷慨死難之臣乎夫自衒自媒者士女之
醜行也干時求進者道家之明忌也而臣敢陳聞于
陛下者誠與國分形同氣憂患共之者也冀以塵霧
之微補益山海熒燭末光增輝日月是以敢冒其醜
而獻其忠必知爲朝士所笑聖主不以人廢言伏惟
陛下少垂神聽臣則幸矣

又

五帝之世非皆智三季之末非皆愚用與不用知與

不知也。夫相者文德昭者也。將者武功烈者也。文德
昭則可以匡國朝。叙百揆。稷契夔龍是矣。武功烈則
可以征不庭。廣邦境。南仲方叔是也。昔伊尹之爲滕
臣。至賤也。呂尚之處漁釣。至陋也。及其見舉。湯文誠
合志同。豈復假近習之薦。因左右之介哉。發騏驎于
吳。可謂困矣。及其伯樂相之。孫子遇之。形體不勞。
而坐取千里。伯樂善御馬。明君善御臣。誠任賢使能
之明效也。昔段干木修德于閭閻。秦師爲之輟攻。而
文侯以安。穰苴授節于邦境。燕晉爲之退師。而景公
無患。皆簡德尊賢之所致也。願陛下垂高宗傳命之

明以顯中興之功

諫伐遼東表

前淨似西
漢人議事

臣伏以遼東負阻之國。勢便形固。帶以遼海。今輕車
遠攻。師疲力屈。彼有其備。所謂以逸待勞。以飽待饑
者也。以臣觀之。誠未易攻也。若國家攻之而必克。屠
襄平之城。懸公孫之首。得其地。不足以償中國之費。
虜其民。不足以補三軍之失。是我所獲不如所喪也。
若其不拔。曠日持久。暴師于野。然天時不測。水濕無
常。彼我之兵。連于城下。進則有高城深池。無所施其
功。退則有歸途不通道。路纖好。東有待釁之吳。西有

曉事之言

請自試表

慷慨諫伐

表九穀

伺隙之蜀吳越東南荆楊騷動蜀應西境則雍涼三分兵不解于外民罷困于內促耕不解其饑疾蠶不救其寒夫渴而後穿井饑而後殖種可以圖遠難以應卒也臣以爲當今之務在于省徭役薄賦歛勤農桑三者既備然後令伊管之臣得施其術孫吳之將得奮其力若此則太平之基可立而待康哉之歌可坐而聞曾何憂于二敵何懼于公孫乎今不息邦畿之內而勞神于蠻貊之域竊爲陛下不取也

獻璧表

臣聞玉不隱瑕臣不隱情伏知所進非和氏之璞萬

國之幣。璧爲充貢。

獻文帝馬表

臣于先武皇帝世得大宛紫騮一疋。形法應圖善持頭尾教令習拜。今輒已能又能行與鼓節相應。謹以表奉獻。

上牛表

臣聞物以洪珍細亦或貴。故不見僬僥之微。不知決濟之泰。不見果下之乘。不別龍馬之大。高下相懸。所以致觀也。謹奉牛一頭。不足追遵大小之制。形少有殊。敢不獻上。

求通親親表

臣植言臣聞天稱其高者以無不覆地稱其廣者以無不載日月稱其明者以無不照江海稱其大者以無不容故孔子曰大哉堯之爲君惟天爲大惟堯則之夫天德于萬物可謂弘廣矣蓋堯之爲教先親後疎自近及遠其傳曰克明峻德以親九族九族既睦平章百姓及周之文王亦崇厥化其詩曰刑于寡妻至于兄弟以御于家邦是以雍雍穆穆風人詠之昔周公弔管蔡之不咸廣封懿親以藩屏王室傳曰周之宗盟異姓爲後誠骨肉之恩爽而不離親親之義

我弟不聞
違恤我後
深下恤者
也子建者

實在敦固未有義而後其君仁而遺其親者也伏惟
陛下資帝唐欽明之德體文王翼翼之仁惠洽椒房
恩昭九親群臣百僚番休遞上執政下廢于公朝下
情得展于私室親理之路通慶弔之情展誠可謂恕
已治人推惠施恩者矣至于臣者人道絕緒禁錮明
時臣竊自傷也不敢乃望交氣類修人事敘人倫近
且婚媾不通兄弟永絕吉凶之問塞慶弔之禮廢恩
紀之違甚于路人隔閼之異殊于胡越今臣以一切
之制永無朝覲之望至于注心皇極結情紫闥神明
知之矣然天實爲之謂之何哉退省諸王常有戚戚

詩人之吉
夫

雅人之語
雅人之志

願以忠
願入禁
願侍左
願有所

具爾之心願陛下沛然垂詔使諸國慶問四節得展
以敘骨肉之歡恩全怡怡之篤義妃妾之家膏沐之
遺歲得再通齊義于貴宗等惠于百司如此則古人
之所歎風雅之所詠復存于聖世矣臣伏自惟省無
錐刀之用及觀陛下之所拔授若以臣爲異姓竊自
料度不後于朝士矣若得辭遠遊戴武弁解朱組佩
青紱駙馬奉車趣得一號安宅京室執鞭珥筆出從
華蓋入侍輦轂承荅聖問拾遺左右乃臣丹情之至
願不離于夢想者也遠慕鹿鳴君臣之宴中詠常棣
匪他之誠下思伐木友生之義終懷蓼莪罔極之哀

此乃人之
所搔首也

詔復依人

每四節之會塊然獨處左右唯僕隸所對唯妻子高
談無所與陳發義無所與展未嘗不聞樂而拊心臨
觴而歎息也臣伏以爲犬馬之誠不能動人譬人之
誠不能動天崩城隕霜臣初信之以臣心况徒虛語
耳若葵藿之傾葉太陽雖不爲之迴光然終向之者
誠也臣竊自比葵藿若降天地之施垂三光之明者
寔在陛下臣聞文子曰不爲福始不爲禍先今之否
隔友于同憂而臣獨唱言者何也竊不願于聖代使
有不蒙施之物必有慘毒之懷故栢舟有天只之怨
谷風有棄予之歎伊尹耻具君不爲堯舜孟子曰不

以舜之所以事堯事其君者不敬其君者也臣之愚蔽固非虞伊至于欲使陛下崇光被時雍之美宣緝熙章明之德者是臣悽悽之誠竊所獨守寔懷鶴立企佇之心敢復陳聞者冀陛下儻發天聰而垂神聽也

黃初五年令

夫遠不可知者天也近不可知者人也傳曰知人則哲堯猶病諸諺曰人心不同若其面焉唯女子與小人爲難養也近之則不遜遠之則怨詩云憂心悄悄慍于群小自世間人或受寵而背恩或無故而人怒

俱從西漢
文鍛鍊出
象體嚴重
而不走

顧左右曠然無信大嚼者作斷其舌右手執斧左手
執鉞傷夷一身之中尚有不可信況于人乎唯無沐
取潛釁隱過匿愆乃可以爲人諺曰穀千鴛不如養
一驢穀鴛養虎大無益也知韓昭侯之弊袴良有以
也使臣有三品有可以仁義化者有可以恩惠驅者
不足以導之則當以刑罰復不足以率之則明所以
不畜故唐堯至仁不能容無益之子湯武至聖不能
養無益之臣九折臂知爲良醫吾知所以待下矣諸
吏各敬爾在位孤推一槩之平功之宜賞于疏必
罪之宜戮在親不赦此令之行有若皎日于戲群臣

其覽之哉。又黃初六年。令曰。身輕于鴻毛。而謗重于泰山。賴蒙帝王天地之仁。違古今之典議。舍三千之首。戾反我舊居。襲我初服。雲雨之施。焉有量哉。孤以何功。而納斯貶。富而不吝寵。至不驕者。則周公其人。也。孤小人。爾身更以榮爲戚。何者。將恐簡易之充。出于細微。脫爾之愆。一朝復露也。故欲修吾往業。守吾初志。欲使皇帝恩在摩天。使孤心常存伏地。將以全陛下厚德。究孤犬馬之年。此難能也。然固欲行衆之難。詩曰。德輶如毛。鮮克舉之。此之謂也。

卷三

亦有愁

予以愁慘行吟路邊形容枯悴憂心如醉有玄靈先生見而問之曰子將何疾以至于斯荅曰吾所病者愁也先生曰愁是何物而能病子乎荅曰愁之爲物惟恍惟忽不招自來推之弗往尋之不知其際握之不盈一掌寂寂長夜或群或黨去來無方亂我情爽其來也難退其去也易追臨餐困于哽咽煩冤毒于酸嘶加之以粉飾不澤飲之以兼肴不肥溫之以金石不消磨之以神膏不希授之以巧笑不悅樂之以絲竹增悲醫和絕思而無措先生豈能爲我著龜乎先生作色而言曰子徒辨子之愁形未知子愁所由

漢魏以來
七發之於
商離假設
紛紛可憚
此乃見賞
言晉之文
自不同

而生我獨爲子言其發矣方今大道旣隱子生末季
沉溺流俗眩惑名位濯纓彈冠諮趣榮貴坐不安席
食不終味遑遑汲汲或懽或悴所鬻者名所拘者利
良由華薄凋損正氣吾將贈子以無爲之藥給子以
淡薄之湯刺子以玄虛之針炙子以淳朴之方安子
以恢郭之宇坐子以寂寞之床使王喬與子逍遙而
逝黃公與子詠歌而行莊子與子具養神之撰老聃
與子致愛性之方趣避路以棲跡乘輕雲以翱翔于
是精駭魄散改心回趣願納至言仰宗玄度衆愁忍
然不辭而去

與司馬仲達書

今賊徒欲保江表之城。守歐吳耳。無有爭雄于宇角。勝于平原之志也。故其俗蓋以洲渚爲營。壁江淮爲城。塹而已。若可得挑致。則吾一旅之卒。足以敵之。蓋弋鳥者矯其矢。釣魚者理其綸。此皆度彼爲慮。因象說宜者也。今足下曾無矯矢理綸之謀。徒欲候其離舟伺其登陸。乃圖并吳會之地。牧東野之民。恐非主上授節將之心也。

與楊德祖書

植白。數日不見。思子爲勞。想同之也。僕少小好爲文。

植蓋自負
文妙一世

華仲宣諸人雖或擅場而未能一舉千里也
稱修文最高故獨云
高視

章迄至于今二十有五年矣然今世作者可略而言

王粲

陳琳

徐幹

也昔仲宣獨步于漢南孔璋鷹揚于河朔偉長擅名

劉禰

應瑒

于青土公幹振藻于海隅德璉發跡于北魏足下高

視于上京當此之時人人自謂握靈蛇之珠家家自

謂抱荆山之玉吾王于是設天網以該之頓八紘以

掩之今悉集茲國矣然此數子猶復不能飛軒絕跡

一舉千里也以孔璋之才不閒于詞賦而多自謂能

太

與司馬長卿同風譬畫虎不成反為狗也前有書嘲

之反作論盛道僕讚其文夫鍾期不失聽于今稱之

吾亦不能妄歎者畏後世之嗤余也世人著述不能

無病僕常好人譏彈其文有不善應時改定昔丁敬
禮嘗作小文使僕潤飾之僕自以才不過若人辭不
爲也敬禮謂僕卿何所疑難文之佳惡吾自得之後
世誰相知定吾文者邪吾嘗歎此達言以爲美談昔
尼父之文辭與人通流至于制春秋游夏之徒乃不
能措一辭過此而言不病者吾未之見也蓋有南威
之容乃可以論于淑媛有龍泉之利乃可以議于斷
割劉季緒才不能逮于作者而好詆阿文章倚據利
病昔田巴毀五帝罪三王訾五霸于稷下一旦而服
千人魯連一說使終身杜口劉生之辯未若田氏今

予建蓋以
今之仲連
自許

觀此文子
建多自出
脫語多自
出地少語
亦信其文
之必傳也

之仲連求之不難可無息乎人各有好尚蘭茝蓀蕙
妙如說情性乃至
之芳衆人所好而海畔有逐臭之夫咸池六莖之發
句弱
衆人所共樂而墨翟有非之之論豈可同哉今往僕
少小所著辭賦一通相與夫街談巷說必有可采擊
轅之歌有應風雅匹夫之思未易輕棄也辭賦小道
固未足以揄揚大義彰示來世也昔楊子雲先朝執
戟之臣耳猶稱壯夫不爲也吾雖薄德位爲蕃侯猶
庶幾勦力上國流惠下民建永世之業流金石之功
豈徒以翰墨爲勲績辭賦爲君子哉若吾志未果吾
道不行則將采庶官之實錄辨時俗之得失定仁義

之裏成一家之言。雖未能藏之于名山。將以傳之于同好。非要之皓首。豈今日之論乎。其言之不慙。恃惠子之知我也。明早相迎。書不盡懷。植白。

與吳季重書

植白。季重足下。前日雖因常調得爲密坐。雖讌飲彌日。其于別遠會稀。猶不盡其勞積也。若夫觴酌凌波。于前簫笳發音。于後足下鷹揚其體。鳳觀虎視。謂蕭曹不足儔。衛霍不足侔也。左顧右盼。謂若無人。豈非吾子壯志哉。過屠門而大嚼。雖不得肉。貴且快意。當斯之時。願舉泰山以爲肉。傾東海以爲酒。伐雲夢之

荅書云
仲父之遺
訓覽老氏
之要言對
清醕而不
醉抑嘉肴
而不饗使
西施出帷
嬖母侍側
斯盛德之
所由明哲
之所保也

竹。以。爲。笛。斬。泗。濱。之。梓。以。爲。箏。食。若。填。巨。壑。飲。若。灌。
漏。卮。其。樂。固。難。量。豈。非。大。丈。夫。之。樂。哉。然。日。不。我。與。
曜。靈。急。節。面。有。逸。景。之。速。別。有。參。商。之。濶。思。抑。六。龍。
之。首。頓。羲。和。之。轡。折。若。木。之。華。閉。濛。汜。之。谷。天。路。高。
邈。良。無。由。緣。懷。戀。反。側。如。何。如。何。得。所。來。訊。文。采。委。
曲。曄。若。春。榮。瀏。若。清。風。申。詠。反。覆。曠。若。復。面。其。諸。賢。
所。著。文。章。想。還。所。治。復。申。詠。之。也。可。令。憲。事。小。史。諷。
而。誦。之。夫。文。章。之。難。非。獨。今。也。古。之。君。子。猶。亦。病。諸。
家。有。千。里。驥。而。不。珍。焉。人。懷。盈。尺。和。氏。而。無。貴。矣。夫。
君。子。而。不。知。音。樂。古。之。達。論。謂。之。通。而。蔽。墨。翟。不。好。

何等恒悼

役何爲過朝歌而迴車乎足下好伎而正值墨氏迴
車之懸想足下助我張目也又聞足下在彼自有佳
政夫求而不得者有之矣未有不求而自得者也且
改轍易行非良樂之御易民而治非楚鄭之政願足
下勉之而已矣適對嘉賓口授不悉往來數相聞曹
植白

光祿大夫荀侯誄

如冰之清如玉之潔法而不威和而不蕪百寮欽獻
霑纓機女投杼農夫輟耕輪結徹而不轉馬悲
鳴而倚衡

漢二祖憂劣論

有客問予曰夫漢二帝高祖光武俱爲授命撥亂之君此時事之難易論其人之憂劣孰者爲先予應之曰昔漢之初興高祖因暴秦而起遂誅強楚光有天下功齊湯武業流後嗣誠帝王之元勲人君之盛事也然而名不繼德行不純道身歿之後崩亡之際果令凶婦肆耽酷之心嬖妾被人豕之刑亡趙幽囚禍殃骨肉諸呂專權社稷幾移凡此諸事豈非高祖寡計淺慮以致然彼之雄材大略倣儻之節信當世至豪健壯傑士也又其梟將畫臣皆古今之鮮有歷世

之希。觀彼能任其才而用之。聽其言而察之。故兼天
下有帝位。流巨功。而遺元勲也。世祖體乾靈之休德。
稟貞和之純精。通黃鍾之妙理。韜亞望之懿才。其爲
德也。通達而多識。仁智而明怒。重慎周密。樂施而愛
人。值陽九無妄之世。遭炎光厄會之運。殷爾雷發。赫
然神舉。用武略以攘暴。興義兵以殘賊。神光前驅。威
光先游。軍未出于南京。莽已斃于西都。夫其蕩滌
穢勦除醜類。若順迅風而縱烈火。曬白日而掃
也。爾乃廟謀而後動。衆計定而後行。師故攻無不
之。壘戰無奔北之卒。是以群下欣欣歸心。聖德宣仁。

以和衆邁德以來遠故。實融聞聲而影附。馬援一見。而歎息。股肱有濟濟之美元首。有穆穆之容敦睦九族。有唐虞之稱高尚純樸。有義皇之素謙虛。納下有吐握之勞。留心庶事。有日昃之勤。乃規弘跡而造黃極。創帝道而立德基。是以計功則業殊。比隆則事異。旌得則靡愆。言行則無穢。量力則勢微。論輔則力劣。卒能握乾坤之休徵。應五百之顯期。立不刊之遐迹。建不朽之元功。金石播其休烈。詩書載其勲懿。故曰先武其優也。

世有方士吾主悉所招致甘陵有甘始盧江有左慈陽城有郗儉善辟穀悉號數百歲所以集之魏國者誠恐此人之徒接奸詭以欺衆行妖惡以惑民豈復欲觀神仙于瀛洲求安期于邊海釋金輅而顧雲輿棄文驥而求飛龍哉夫帝者位殊萬國富有天下威尊彰明齊光日月宮殿闕庭焜耀紫薇何顧乎王母之宮崑崙之域哉夫三鳥被致不如百官之美也素女嫦娥不若椒房之麗也雲衣羽裳不若黼黻之飾也鴛鴦載霓不若乘輿之盛也瓊蓋玉華不若玉圭之潔也而顧爲匹夫所罔納虛妄之辭信眩惑之說

隆○禮○以○招○弗○臣○傾○產○以○供○虛○求○散○玉○爵○以○榮○之○清○閒○
館○以○居○之○經○年○累○稔○終○無○一○驗○雖○復○誅○其○身○滅○其○族○
紛○然○足○爲○天○下○一○笑○矣○若○夫○玄○黃○所○以○娛○日○鏗○鏘○所○
以○聳○耳○緩○妃○所○以○紹○光○芻○豢○所○以○悅○口○也○何○以○甘○無○
味○之○味○聽○無○聲○之○樂○觀○無○彩○之○色○也○

藉田說

春○畊○于○藉○田○郎○中○令○侍○寡○人○焉○顧○而○謂○之○曰○昔○者○神○
農○氏○始○嘗○萬○草○教○民○種○植○今○寡○人○之○興○此○田○將○欲○以○
擬○乎○治○國○非○徒○供○耳○目○而○已○也○夫○營○疇○萬○畝○厥○田○上○
下○經○以○大○陌○帶○以○橫○阡○此○亦○寡○人○之○封○疆○也○日○殄○沒○

爾遠佞生
出去蠲數
行文字

而歸館晨未昕而卽野此亦寡人之先下也菽藿特
疇禾黍異田此亦寡人之理政也及其息涌庇重
陰懷有虞撫素琴此亦寡人之所親賢也猶藁臭蔚
棄之遠疆此亦寡人之所遠佞也若年豐歲登果茂
菜滋則臣僕小大咸取驗焉又曰封人有能以輕鑿
修鈞去樹之蠲者樹得以茂繁中舍人曰不識天下
者亦有蠲者乎寡人告之曰昔三苗共工驩兜非堯
之蠲歟問曰諸侯之國亦有蠲乎寡人告之曰齊之
諸田晉之六卿魯之三桓非諸侯之蠲歟然三國無
輕鑿修鈞之任終于齊篡魯弱晉國以分不亦痛乎

予建矯矯

然欲革浮

靡之習無

一字湯作

曰不識爲君子者亦蝎乎寡人告之曰固有之也富而慢貴而驕殘仁賊義甘財悅色此亦君子之蝎也天子勤耘以牧一國大夫勤耘以牧世祿君子勤耘以顯令德夫農者始于種終于穫澤旣時矣苗旣美矣棄而不耘則改爲荒疇蓋豐年者期于必收譬修道亦期于殁身也

令禽惡鳥論

國人有以伯勞生獻者王召見之侍臣曰世人同惡伯勞之鳴敢問何謂也王曰昔尹吉甫用後妻之說殺孝子伯奇吉甫後悟追傷伯奇出遊于田見鳥鳴

子建亦云

作史子

韓文公

于桑見其聲噉然吉甫動心曰伯勞乎乃撫翼其音
尤切吉甫乃顧謂曰伯勞乎是吾子棲吾與非吾子
飛勿居鳥尋聲而棲于葢吉甫遂射殺後妻以謝之
故俗惡伯勞之鳴言所鳴之家必有尸也此好事者
附名爲之說而今普傳惡之斯實否也伯勞以五月
而應陰氣之動陰爲賊害葢賊害之鳥也其聲鴟鴞
然故俗憎之若其爲人災害愚民之所信通人之所
畧也烏鳴之惡自取憎人言之惡自取滅不有能累
于當世也而凶人之行弗可易梟鳥之能不可更者
天性然也昔荆人之梟將巢于吳鳩遇之曰何去荆

而巢吳乎梟曰荆人惡予之聲鳩曰子不能革子之音則吳楚之民不異情也爲子計者莫若宛頸戢翼終身勿復鳴也昔會朝議者有人問曰寧有聞梟食其母乎有荅之者曰嘗聞烏反哺未聞梟食母也問者慚唱不善也得善者莫不訓而放之爲利人也得惡者莫不糜之齒牙爲害身也烏獸昆蟲猶以名聲見異況夫吉士之與凶人乎

岑臨淄侯牋

魏楊

元原書甚
口許而修
不願倣

修死罪不待數日若彌年載豈由愛顧之隆使係仰
之情深耶損辱嘉命蔚矣其文誦讀反覆雖諷雅頌
不復過此若仲宣之擅漢表陳氏之跨冀域徐長劉偉
公之顯青豫應生之發魏國斯皆然矣至于修者聽
采風聲仰德不暇目周章于省覽何遑高視哉伏惟
君侯少長貴盛體發旦之資有聖善之教遠近觀者
徒謂能宣昭懿德光贊大業而已不復謂能兼覽傳
記留思文章今乃舍王超陳度越數子矣觀者駭視
者拭目聽者傾首而竦耳非夫體通性達之自然其

此于日月

丁春秋嫺

之耶

如見植

所評騰

非是

孰能至于此乎又嘗親見執事握牘持筆有所造作
若成誦在心借書于手曾不斯須少留思慮仲尼日

月無得踰焉修之仰望殆如此矣是以對鵠而辭作

暑賦彌日而不獻見西施之容歸憎其貌者也植曾作鵠

鳥賦命修作修辭不為又命作伏想執事不知其然

暑賦修雖造成終日不敢獻猥受顧錫教使刊定春秋之成莫能損益呂氏淮南

字直千金然而弟子籍口市人拱手者賢聖卓犖固

句平

所以殊絕凡庸也今之賦頌古詩之流不更孔公孔子

風雅無別耳修家子雲老不曉事强著一書悔其少

作若比仲山吉甫周旦幽之疇為皆有訾耶君侯志

鍾以雅量

左丘季緒之環璫者

豈少哉

聖賢之顯迹述鄙宗之過言竊以為未之思也過言

謂壯夫不為也若乃不忘經國之大美流千載之英聲銘功

景鐘書名竹帛斯自雅量素所蓄也豈與文章相妨

害哉輒受所惠竊備膝腹誦詠而已敢望惠施莊子相知

以忝莊氏莊子季緒環璫何足以云季緒名修劉表之子為樂安太守植

書云劉季緒好詆訶文章修故云

反荅造次不能宣備修死罪死罪

古文奇賞

卷五

荅臨淄侯牋

注

魏楊修

五史記

五史記

五史記

文章外詩云

風谷鼓大不排宜辭於天罪天罪

思亦錄只下年詩終於只以云

壬子樂未太市齒

昔者神受天惠深靜精如哺哺而身須望惠蘇

蘇千

不並存於世自是量漸微高也豈與文章昧故

不參曲錄亦不事魯國之太美漸于薄之英雅能也

清之融發壯滿宗之微言錄以爲未之思也

爲曹公與孫權書

魏阮瑤

離絕以來于今三年無一日而忘前好亦猶烟燐之
義恩情已深違異之恨中間尚淺也孤懷此心君豈
同哉每覽古今所由改趣因緣侵辱或起瑕釁心忿
意危用成大變若韓信傷心于矢楚彭寵積望于無
異盧綰嫌畏于已隙英布憂迫于情漏此事之緣也
孤與將軍恩如骨肉割授江南不屬本州豈若淮陰
捐舊之恨抑遏劉馥相厚益隆寧放朱浮顯露之奏
無匿張勝貸故之變匪有陰構賁赫之告固非燕王
淮南之釁也而忍絕王命明棄碩交實爲佞人所構

會也。夫似是之言，莫不動聽。因形設象，易爲變觀。示之以禍難，激之以耻辱。大丈夫雄心，能無憤發。昔蘇秦說韓，羞以牛後。韓王按劍作色而怒，雖兵折地割，猶不爲悔人之情也。仁君年壯，氣盛緒信，所嬖緒業也言之也。業已信既懼患至，兼懷忿恨，不能復遠度。孤心近慮，事勢遂齎。見薄之決計，乘翻然之成議。加劉備相蜀，揚事結疊，連推而行之想。暢本心，不願于此也。暢通也孤以薄德，位高任重，幸蒙國朝將泰之運，盪平天下。懷集異類，喜得全功。長享其福，而姻親坐離。厚援生隙，常恐海內多以相責。以爲老夫包藏禍心，陰有

武取胡之詐

韓子曰鄭武公伐胡先以其子妻胡

乃使仁君翻然自絕

以是忿忿懷慙反側常思除棄小事更申前好二族
俱榮流祚後嗣以明雅素中誠之效抱懷數年未得
散意昔赤壁之役遭離疫氣燒船自還以避惡地非
周瑜水軍所能抑挫也江陵之守物盡穀殫無所復
據徙民還師又非瑜之所能敗也荆土本非已分我
盡與君與取其餘非相侵肌膚有所割損也思計此
變無傷于孤何必自遂于此不復還之高帝設爵以
延田橫光武指河而誓朱鮪君之負累豈如二子是
以至情願聞德音往年在譙新造舟船取足自載以

至九江貴欲觀湖澤之形定江濱之民耳非有深入
攻戰之計也將恐議者大爲已榮自謂策得長無西
患重以此故未肯迴情然智者之慮慮于未形達者
所規規于未兆是故子胥知姑蘇之有麋鹿輔果識
智伯之爲趙禽穆生謝病以免楚難鄒陽北游不同
吳禍此四士者豈聖人哉徒通變思深以微知著耳
以君之明觀孤術數量君所據相計土地豈勢小力
乏不能遠舉割江之表晏安而已哉甚未然也若恃
水戰臨江塞要欲令王師終不得渡亦未必也夫水
戰千里情巧萬端越爲三軍吳曾不禦漢諸夏陽魏

豹不意江河雖廣其長難衛也。凡事有宜不得盡言。將修舊好而張形勢更無以威脅重敵。人然有所恐。恐書無益。何則。往者軍逼而自引。還。今日在遠而與。慰納。辭遜意狹。謂其力盡。適以增驕。不足相動。但明。效古。當自圖之耳。昔淮南信在吳之策。隗囂納王元。之言。彭寵受親吏之計。三夫不寤。終爲世笑。梁王不。受詭勝。竇融斥逐張玄。二賢旣覺。福亦隨之。願仁君。少留意焉。若能內取子布。張外擊劉備。以效赤心。用。復前好。則江表之任。長以相付。高位重爵。坦然可觀。上令聖朝無束顧之勞。下令百姓保安全之福。君享。

其榮孤受其利豈不快哉若忽至誠以處僥倖婉彼
二人恐不加罪所謂小人之仁大人之賊大雅之人
不肯爲此也

二人劉備
張昭也

若憐子布願言俱存亦能傾

心去恨順君之情更與從事取其後善但擒劉備亦
足爲效開設二者審處一焉聞荆楊諸將並得降者
皆言交州爲君所執豫章距命不承執事疲旱並行
人兵並減各求進軍其言云云孤聞此言未以爲悅
然道路旣遠降者難信幸人之災君子不爲且又百
姓國家之有加懷區區樂欲崇和庶幾明德來見昭
副不勞而定于孤益貴是故按兵守次遣書致意古

者。兵。交。使。在。其。中。願。仁。君。及。孤。虛。心。廻。意。以。應。詩。人。
補。衣。之。歎。而。慎。周。易。牽。復。之。義。濯。鱗。清。流。飛。翼。天。衢。
良。時。在。茲。揚。之。而。已。



古文奇賞

卷上

三十

魏阮瑀

其以本為壯文而也。信本太甚。其子不為且又。

荅東阿王牋

魏陳琳

琳死罪死罪。昨加恩。辱命并示。龜賦。披覽。粲然。君侯
體高世之材。秉青萍干將之器。拂鐘無聲。應機立斷。
此乃天然異稟。非鑽仰者所庶幾也。音義既遠。清辭
妙句。焱絕煥炳。譬猶飛兔流星。超山越海。龍驤所不
敢追。况于駑馬。可得齊足。夫聽白雪之音。觀綠水
之節。然後東野巴人。蚩鄙益著。載歡載笑。欲罷不能。
謹輶橫玩耽。以爲吟頌。琳死罪死罪。

古文奇賞

卷三

荅東阿王牋

三

魏陳琳

[illegible]

新東洲

滕朝棟

與魏文帝牋

魏繁示 欽

是旁舌間
文字

方長天境
妙物

正月八日壬寅領主簿欽死罪死罪近屢奉牋不足
 自宣頤諸鼓吹廣求異技時都尉薛訪車子年始十
 四能喉轉引聲與笳同音白上呈見果如其言即日
 故其觀試乃知大壤之所生誠有自然之妙物也潛
 氣內轉哀音外激大不抗越細不幽散聲悲舊笳曲
 美常均律調五聲之均及與黃門鼓吹溫胡迭唱迭和喉所
 發音無不響應曲折沉浮尋變入節漢置黃門工胡溫胡姓名也
 自初呈試中間二旬胡欲傲其所不知尚之以
 一曲巧竭意匱既已不能而此孺子遺聲抑揚不可

勝窮優游變化餘。美未盡暨其清。激悲吟雜以怨慕。
詠北狄之遐征。奏胡馬之長思。悽入肝脾。哀感頑豔。
是時日在西隅。涼風拂衽。背山臨溪。流泉東逝。同坐
仰歎。觀者俯聽。莫不泣隕。涕悲懷慷慨。自左驥史
炳。審姐名倡。當時之樂人倡樂也能識以來耳目所見。僉曰詭
異未之間也。竊惟聖體兼愛好奇。是以因賤先白委
曲。伏想御聞必含餘憐。異事速訖。旋侍光塵。寓目階
庭。與聽斯調。宴喜之樂。蓋亦無量。欽死罪死罪。

荅魏太子牋

魏吳質

二月八日庚寅臣質言奉讀手命追亡慮存恩哀之
隆形于文墨日月冉冉歲不我與昔侍左右厠坐衆
賢出有微行之游入有管絃之歡置酒樂飲賦詩稱
壽自謂可終始相保並騁材力效節明主何意數年
之間死喪畧盡臣獨何德以堪久長陳徐劉應才學
所著誠如來命惜其不遂可爲痛切凡此數子于雍
容侍從實其人也若乃邊境有虞群下鼎沸軍書輻
至羽檄交馳于彼諸賢非其任也往者季武之世文
章爲盛若東方朔枚臯之徒不能持論卽阮陳之儔

質自雄其
才過于數
子之意

後來君子
指不弟而
質亦在其
中也

也。阮瑀其唯嚴助壽王與聞政事然皆不慎其身善
于謀國卒以敗亡臣竊耻之至于司馬長卿稱疾避
事以著書爲務則徐生幹庶幾焉而今各逝已爲異
物矣後來君子實可畏也伏惟所天優游典籍之場
休息篇章之圃發言抗論窮理盡微摘藻下筆鸞龍
之文奮矣雖年齊蕭王才實百之太子書曰吾德及蕭王年與之
矣此衆議所以歸高遠近所以同聲也然年歲若
今質已四十二矣白髮生鬢所慮日深實不復若平
生之時也但欲保身勅行不蹈有過之地以爲知
之累耳游宴之歡難可再遇盛年一過實不可追臣

幸得下愚之才值風雲之會時邁齒載猶欲觸胸奮首展其割裂之用也不勝悽悽以來命備悉故畧陳至情質死罪死罪

在元城與魏太子書

臣質言前蒙延納侍宴終日曜靈匿景繼以華燈雖虞卿適趙平原入秦受贈千金浮觴旬日無以過也小器易盈先取沈頓醒寤之後不識所言卽以五日到官初至承前未知深淺然觀地形察土宜西帶恒山連岡平代北隣栢人乃高帝之所忌也重以泝水漸積疆宇喟然歎息思淮陰之奇譎亮成安之失策

南望邯鄲。想廉藺之風。東接距鹿。存李齊趙之流。都
人士女。服習禮教。皆懷慷慨之節。包左車之計。而質
闇弱。無以蒞之。若乃邁德種恩。樹之風聲。使農夫逸
豫于疆畔。女工吟詠于機杼。固非質之能也。至于奉
遵科教。班揚明令。下無威福之吏。邑無豪俠之傑。賊
事行刑。資于故實。抑亦懍懍有庶幾之心。往者嚴助。
釋承明之懽。受會稽之位。壽王去侍從之娛。統東郡
之任。其後皆克復舊職。追尋前軌。今獨不然。不亦異
乎。張敞在外。自謂無奇。陳咸憤積。思入京城。遺書陳
湯入為
少彼豈虛談。夸論誑曜世俗哉。斯實薄郡守之榮。願

雲

左右之勤也古今一揆先後不貿焉知來者之不如

今聊以當觀不敢多云質死罪死罪

公受春十廷無以過也外郎部

知已欣助

市

出



今暇以當職不煩多云
我罪我罪
不之嫌也古今一辨
表辭公賢無味來昔之不暇

是科本止揚明今下
其處臨之吏
亦有其長于故實
亦其處有厥是之
任其後皆死復作
職追尋前軌今則
不然不暇

是科本止揚明今下
其處臨之吏
亦有其長于故實
亦其處有厥是之
任其後皆死復作
職追尋前軌今則
不然不暇

與滿公琰書

應璩

璩白。昨者不遺猥見。照臨雖昔。侯生納顧于夷門。毛公受眷于逆旅。無以過也。外嘉郎君謙下之德。內幸頑才見誠。知已歡欣。踴躍情。有無量。是以奔騁御僕。軍命周求。陽書俞于詹。何揚倩說于范武。故使鮮魚。出自潛淵。芳旨發自幽巷。芳旨美酒繁俎綺錯。羽爵飛騰。牙曠高徽。義渠哀激。西戎樂當此之時。仲孺灌夫不辭同產。姊之服。孟公陳遵不顧尚書之期。徒恨宴樂始酣。白日傾夕。驪車就駕。意不宜展。追惟耿介。迄于明發。適欲遣書會承。來命知諸君子。復有漳渠之會。夫漳渠。

西有伯陽之館。北有曠野之望。高樹翳朝雲。文禽蔽
綠水。沙場夷敞。清風肅穆。是京臺之樂也。得無流而
不反乎。適有事務。須自矜營。不獲侍從。良增邑邑。因
白不悉。璩白。

與侍郎曹長思書

應才與子
建和後先
他諸子不
獻也

璩白。足下去後。甚相思。想叔田有無人之歌。闔閭有
匪好之思。風人之作。豈虛也哉。王肅以宿德顯授。何
曾以後進見拔。皆鷹揚虎眈。有萬里之望。薄援助者。
不能追參于高妙。復歛翼于故枝。塊然獨處。有難
之志。汲黯樂在郎署。何武耻爲宰相。千載揆之。

有由也。德非陳平，門無結駟之跡。學非楊雄，堂無好事之客。才劣仲舒，無下帷之思。家貧孟公，無置酒之樂。悲風起于閨闥，紅塵蔽于機榻。幸有袁生，時步玉趾。樵蘇不爨，清談而已。有似周黨之過閔子，夫皮朽者毛落，川涸者魚逝。春生者繁華，秋榮者零悴。自然之歎，豈有恨哉。聊與大弟陳其苦懷耳。想還在近故，不虛言璩白。

與廣川長岑文瑜書

璩白。頃者炎旱日更增甚，沙礫銷鑠，草木焦卷，處涼臺而有鬱蒸之煩，浴寒水而有灼爛之慘。宇宙雖廣，

誠人語

政事
類此

無陰以憇雲漢之詩何以過此土龍矯首于玄寺沉
人鶴立于闕里修之歷旬靜無徵效明勸教之術非
致雨之備也知恤下民躬自暴露拜起靈臺勤亦至
矣昔夏禹之解陽盱殷蕩之禱桑林言未發而水旋
流辭未卒而澤滂沛今者雲重積而復散雨垂落而
復收得無賢聖殊品優劣異姿割髮宜及膚剪爪宜
侵肌乎周征殷而年豐衛伐邢而致雨善否之應甚
于影響未可以爲不然也想雅思所未及謹書起予
應璩白

與從弟君苗君胄書

可以入商
凡

珠報間者北游喜歡無量登芒濟河曠若發矇風伯
掃塗雨師灑道安轡清路周望山野亦既至止酌彼
春酒接武葦茨涼過大夏扶寸肴修味踰方丈逍遙
陂塘之上吟咏苑柳之下結春芳以崇佩折若花以
翳日弋下高雲之鳥餌出深淵之魚蒲且讚善便嫗
稱妙何其樂哉雖仲尼忘味于虞韶楚人流遁于京
臺無以過也班嗣之書信不虛矣來還京都塊然獨
處營宅濱洛困于囂塵思樂汶上發于寤寐昔伊
輟耕鄧暉投竿思致君于有虞濟征人于塗炭而君
方欲秉耒耜于山陽沈鈎緡於丹水知其不如古人

遠矣。然山父不貪天下之樂，曾參不慕晉楚之富，亦其志也。前者邑人念弟無已，欲令州郡崇禮，授邑，誠美意也。歷觀前後來入軍府，至有皓首猶未遇也。徒有饑寒駿奔之勞，俟河之清，人壽幾何？且官無金張之援，游無子孟之資，而圖富貴之榮望，殊異之說，是隴西之游，越人之射耳。幸賴先君之靈，免負擔之勤，追蹤丈人，畜鷄種黍，潛精墳籍，立身揚名，斯爲可矣。無惑游言，以增邑。邑郊牧之田，宜以爲意，廣開土宇。吾將老焉。劉杜二生想數往來，朱明之期已復至矣。相見在近，不復爲言。盛夏自愛，璩報。

奏記太尉蔣濟

魏阮 藉

伏惟明公以含一之德據上台之位英豪翹首俊賢
抗足開府之日人人自以爲掾屬辟書始下而下走
爲首昔子夏處于西河之上而文侯擁篲鄒子居于
黍谷之陰而昭王陪乘夫布衣韋帶之士孤居獨立
王公大人所以禮下之者謂道存也今籍無鄒卜之
道而有其陋猥見採擇無以稱當方將耕於東臯之
陽輸黍稷之稅負薪疲病足力不强補吏之召非所
克堪乞迴謬恩以光清舉

荅伏羲書

籍白承音覽旨有心翰跡夫九蒼之高迅羽不能尋
其巔四溟之深幽鱗不能測其底矧亡毛分所能論
哉且玄雲亡定體應龍不常儀或朝濟夕卷翕忽代
興或泥潛天飛晨降宵升舒體則八維不足以暢迹
促節則亡間足以從容是又瞽夫所不能瞻瑣蟲所
不能解也然則弘修淵邈者非近力所能究矣靈變
神化者非局氣所能察矣何吾子之區區而吾真之
務求乎人力勢不能齊好尚舛異鸞鳳凌雲漢以舞
翼鳩鵲悅蓬林以翱翔螭浮八濱以濯鱗鼈娛行潦
而群逝斯用情各從其好以取樂焉據此非彼胡可

文帝初欲
為武帝求
婚於藉藉
醉六十日
不得言而
止所謂居
乎亡室者
歟

齊乎夫人之立節也將舒網以籠世豈樽樽以入罔
方開模以範俗何暇毀質以通檢若良運未協神機
亡准則騰精抗志邈世高超蕩精舉于玄區之表攄
妙節於九垓之外而翱翔之乘景躍蹕踔陵忽恍從
容與道化同逍遙與日月並流交名虛以齊變及
莫祇以等化上乎亡上下乎亡下居乎亡室出乎亡
門齊萬物之去留隨六氣之虛盈總玄網於太極撫
天一於寥廓飄埃不能揚其波飛塵不能垢其潔徒
圓形軀於斯域何精神之可察雖業無不聞畧亡不
稱而明有所逮未可怪也觀君子之趨欲銜傾城之

金求百錢之售。製造天之禮。儼膚寸之檢。勞王躬以
役物。守臊穢以自畢。沈牛跡之浥薄。愠河漢之亡根。
其陋可愧其事可悲。亮規畧之懸踰。信大道之弘幽。
且局步於常衢。亡爲思遠以自愁。比連疹憤力踰不
多。阮藉白。

人物志

魏劉邵

凡人之質。量中和最貴矣。中和之質。必平淡無味。故能調成五材。變化應節。是故觀人察質。必先察其平淡。而後求其聰明。夫色見於貌。所謂徵神。徵神見貌。則情發于目。故仁目之精。慤然以端。勇壯之精。曄然以疆。然皆偏至之材。以勝體爲質者也。故勝質不精。則其事不遂。是故直而不柔。則木。勁而不精。則力固而不端。則愚。氣而不清。則越。暢而不平。則蕩。是故中庸之質。異于此類。五常旣備。包以澹味。五質內充。五精外章。性之所盡。九質之徵也。然則平陂之質。

在于神明暗之實在于精。勇怯之勢在于筋。疆弱之
植在于骨。躁靜之決在于氣。慘懌之情在于色。衰正
之形在于儀。態度之動在于容。緩急之狀在于言。
兼德而至謂之中。庸中庸也者。聖人之目也。具體而
微謂之德。行德行也者。大雅之稱也。一至謂之偏材。
偏材小雅之質也。一徵謂之依似。依似亂德之類也。
一至一違謂之間。雜間雜無恒之人也。無恒依似皆
風人末流末流之質不可勝論。是以畧而不槩也。九徵
厲直剛毅材在矯正。失在激許。柔順安恕美在寬容。
失在少決。雄悍傑健任在膽烈。失在多忌。精良畏慎。

善在恭謹失在多疑彊楷堅勁用在植幹失在專固
論辨理繹能在釋結失在流宕普博周給弘在覆一
失在溷濁清介廉潔節在儉固失在拘局休動磊落
業在攀躋失在疏越沉靜機密精在玄微失在遲緩
樸露徑盡質在中誠失在不微多智韜情權在譎畧
失在依違學不入道恕不周物此偏材之益失也
別體其于才也須明而章明待質而行是故質于理合
合而有明明足見理理足成家道義與事是故質性
平淡思心玄微能通自然道理之家也質性警徹權
畧機捷能理煩速事理之家也質性和平能論體教

辯其得失義理之家也質性機解推情原意能適其

變情理之家也剛畧之人不能理微故其論大體

則弘博而高遠歷纖理則宕往而疏越抗厲之人不

能迴撓論法直則括處而公正性屬則理毅說變通則否

戾而不入理毅則滯碍堅勁之人好文其事實指機理則

頽灼而徹盡性確則言盡涉大道則徑露而單持言切則義少

辨給之人辭煩而意銳推人事則精識而窮理性銳則窮

理卽大義則恢愕而不周浮沉之人不能沉思序疏

數則豁達而傲博立事要則熾炎而不定淺解之人

不能深難一辯說則擬齔而愉悅審精理則掉轉而

無根寬恕之人不能速捷。論仁義則弘詳而長雅。趨時務則遲緩而不及。溫柔之人力不休彊。味道理則順適而和暢。擬矧難則濡悞而不盡。好奇之人橫逸而求異。造權譎則倜儻而環壯。案清道則詭常而恢迂。有因勝情失窮而稱妙。辭已窮矣。自以爲妙而未盡。跌則倚蹶。理已跌矣。而彊牽據。實求爾解。似理不可屈者。同則相解。反則相非。雜則相恢。故善接論者度所長而論之。歷之不動則不說也。傍無聽達則不難也。不善接論者說之以雜。反說之以雜。反則不入矣。善難者務釋事本不善難者舍本而理末。舍本而理末則辭構矣。

善○攻○強○者○下○其○盛○銳○扶○其○本○指○以○漸○攻○之○不○善○攻○彊○
者○引○其○誤○辭○以○挫○其○銳○意○挫○其○銳○意○則○氣○構○矣○善○躡○
失○者○指○其○所○跌○不○善○躡○失○者○因○屈○而○抵○其○性○因○屈○而○
抵○其○性○則○怨○構○矣○或○常○所○思○求○久○乃○得○之○倉○卒○諭○人○
人○不○速○知○則○以○爲○難○諭○以○爲○難○諭○則○忿○構○矣○夫○盛○難○
之○時○其○誤○難○迫○故○善○難○者○微○之○使○還○不○善○難○者○凌○而○
激○之○雖○欲○顧○藉○其○勢○無○由○其○勢○無○由○則○妄○構○矣○凡○人○
心○有○所○思○則○耳○目○不○能○聽○是○故○並○思○俱○說○競○相○制○止○
欲○人○之○聽○已○人○亦○以○其○方○思○之○故○不○了○已○意○則○以○爲○
不○解○人○情○莫○不○諱○不○解○諱○不○解○則○怒○構○矣○聰○明○聽○

序謂之名物之材。思能造端。謂之構架之材。明能見
機。謂之達識之材。辭能辯意。謂之瞻給之材。捷能攝
失。謂之權捷之材。守能待攻。謂之持論之材。攻能奪
守。謂之推徹之材。奪能易予。謂之貿說之材。與通
人言則同解。而心喻與衆人言則察色而順性。雖明
包衆理。不以尚人聰。獻資給。不以先人善言。出已理
足。則止鄙。誤在人過而不追。寫人之所懷。扶人之所
能。不以事類犯人之所。姻不以言例及已之所長。說
直說變。無所畏惡。采蟲聲之善音。贊愚人之偶得。奪
與有宜去。就不留方其盛氣。折謝不恠。方其勝難勝。

而不矜理材凡此之能皆偏材之人也故或能言而不

能行或能行而不能言至于國體之人能言能行故

爲衆材之雋也能材是以互相非駁莫肯相是取同體

也則接洽而相得取異體也雖歷久而不知凡此之

類皆謂一流之材也然則何以知其兼偏而與之

言乎其爲人也務以流數杼人之所長而爲之名目

如是兼也如陳以美欲人稱之不欲知人之所有如

是者偏也識接夫聰明者英之分也不得雄之膽則說

不行膽力者雄之分也不得英之智則事不立是故

英以其聰謀始以其明見機待雄之膽行之雄以其

力服衆以其勇排難待英之智成之然後乃能各濟其所長也。若聰能謀始而明不見機，乃可以坐論而不可以處事。聰能謀始而明不見機，乃可以坐論而循常而不可以慮變。英可以爲相，雄可以爲將。若一人之身兼有英雄，則能長世。高祖、項羽是也。英分少，則智者去之。故項羽氣力蓋世，明能合變而不能聽采奇異，有一范增不用，是以陳平之徒皆亡歸。高祖英分多，故群雄服之。英材歸之，兩得其用，故能吞秦破楚，宅有天下。然則英雄多少，能自勝之數也。徒英而不雄，則雄材不服也。徒雄而不英，則智者不

歸往也。故雄能得雄。不能得英。英能得英。不能得雄。
故一人之身。兼有英雄。乃能役英與雄。能役英與雄。
故能成大業也。英雄其言甚憚。而精色不從。者中有違
也。其言有違。而精色可信。者辭不敏也。言未發而怒
色先見者。意憤溢也。言將發而怒氣逆之者。彊所不
然也。八觀知人者以目。正耳。不知人者以耳。敗目。夫
精欲深微。質欲懿重。志欲弘大。心欲曠小。精微所以
入神妙也。懿重所以崇德宇也。志大所以戡物任也。
心小所以慎咎悔也。七繆夫清雅之美。著乎形質。察之
寡失。失繆之由。恒在二尤。二尤之生。與物異列。故尤

之人含精于内外無飾姿尤虛之人碩言瑰姿
實乖反上且兩賢未別則能釋讓者爲雋矣爭雋未別
則用力者爲憊矣是故蘭相如以迴車決勝于廉頗
寇恂以不聞取賢于賈復物勢之反乃君子所謂道
也。釋

賦詩以永
朝服于夏
終喪之哀
又賦于則
精誠

武。說。以。不。問。取。其。于。買。珍。終。獲。之。又。以。取。于。利。隨。其。

魏散騎常侍步兵校尉東平太守碑

魏嵇康

先生諱籍字嗣宗陳留尉氏人也厥遠祖陶化於上
世而先生弘謨於後代詩所載阮國則是族之本也
先生承命世之美希達節之度得意忘言尋妙於萬
物之始窮理盡性研幾於幽明之極和光同畧群生
莫能屬也確乎不可拔當塗莫能貴也或出或處與
時升降或默或語與世推移望其形者猶登嶽游海
蕩然無以究其高測其深覽其神者猶旁璞親珪肅
然無不欽其實而偉其奇也不屑夷齊之潔故其清

不可尚也不履惠連之汙故其道不可屈也遽瑗昇

降於卷舒寧武去就於愚智顧盼二子不亦泰如危

宗廟之犧安不靈之龜故無孤犢之逼而有塗中之

廣觀屈穀鳴鴈是以處不才之間察巨瓠緯帶是以

遊有用之際夸大辨而御之以訥資大白而洿之以

辱爲無爲而名不能累也事無事而世不能役也訪

垂天之翼於寂寞之域投芒刃之穎於有解之會固

恢恢必有餘地豈若拔輿被張以養生於陵灌園以

求實齷齪近步修循作軌轍而已哉尼父議老成於

遊龍衛賜譬重仞于日月揆之先生其殆庶幾乎方

塗園集
故澤和
本倚以
仁宅于
以勝以產
發不足統
以尋煉乎
九鼎以俗
子不足倡
故曰君子
七賢四賢
經之難馳
故表傳乎
高士學天
位之劣領
故托箴乎
太師惜哉
非薄湯武

將攀逸駕於洪涯。懇遐軌於巢州。跨宇宙以高挹。凌雲霄以優游。享年若干。遭病而卒。於是遠鑒之士。有識之徒。先生之沒。夫豈不慨然。臨豪傑而存惠子之問。運斧斲而思郢人之力。乃探牘索隱。以敘雅操。使將來君子。知莊生之跡。畧舉志碑之曰。峩峩先生。天挺無欲。玄虛恬混。齊榮辱。盪滌穢。累娑娑山足。胎胞造化。韜蘊光燭。鼓棹滄浪。彈冠崑岳。顧神太素。簡邁世局。澄之不清。溷之不濁。翱翔區外。遺物庶俗。隱處巨室。反真歸漠。汪汪淵源。邁跡圖錄。

明瞻論

申馬昭之
稱心散
會之員證

有。呂。子。者。精。義。味。道。研。覈。是。非。以。爲。人。有。膽。可。樂。明。
有。明。便。有。膽。矣。嵇。先。生。以。爲。明。膽。殊。用。不。能。相。生。論。
曰。夫。元。氣。陶。鑠。衆。生。稟。焉。賦。受。有。多。少。故。才。性。有。昏。
明。唯。至。人。特。鍾。純。美。兼。周。外。內。無。不。畢。備。降。此。已。往。
蓋。闕。如。也。或。明。于。見。物。或。勇。于。決。斷。人。情。貪。廉。各。有。
所。止。譬。諸。草。木。區。以。別。矣。兼。之。者。博。于。物。偏。受。者。守。
其。分。故。吾。謂。明。膽。異。氣。不。能。相。生。明。以。見。物。膽。以。決。
斷。專。明。無。膽。則。雖。見。不。斷。專。膽。無。明。達。理。失。機。故。子。
家。輒。弱。陷。于。弑。君。左。師。不。斷。見。逼。華。臣。皆。知。及。之。而。
決。不。行。也。此。理。坦。然。非。無。疑。滯。故。畧。舉。一。隅。想。不。重。

此語極早

疑敬覽來論可謂海亦不加者矣析理貴約而盡情何尚浮穢而迂誕哉今予之論乃引渾元以爲喻何遼遼而坦謾也故直荅以人事之切要焉漢之賈生陳切直之策奮危言之至行之無疑明所察也忌鵬作賦暗所惑也一人之瞻豈有盈縮乎蓋見與不見故行之有果否也子家左師皆愚惑淺弊明不徹達故惑于曖昧終丁禍害豈明見照察而瞻不斷乎故霍光懷沉勇之氣履上將之任戰乎王賀之事延年文生夙無武稱陳義奮辭瞻氣凌雲斯其驗歟及於期授首陵母伏劍明果之疇若此萬端欲詳而載之

不可勝言也。况有覩夷塗而無敢投足。階雲路而疑於迄泰清者乎。若思弊之倫。爲能自託幽昧之中。棄身陷阱之間。如盜跖竄身于虎吻。穿窬先首於溝瀆。而暴虎憑河。愚敢之類。則能有之。是以余謂明無膽。無膽能偏守。易了之理。不在多喻。故不遠引繁言。若未及三隅。猶復有疑。思承後誨。得一騁辭。夫論理性。情折引異同。固情所受之終始。推氣分之所由順端。極未乃不悖耳。今子欲棄置渾元。據據所見。此爲好理。綱目而惡持綱領也。本論二氣不同。明不生膽。欲極論之。當令一人播無刺諷之膽。而有見事之明。故

聲無哀樂
論所指一
非而內規
乎神隱隱
一闕而外
忘其形言
無苟諱而
行無苟隱
不以愛之
而苟善不
以惡之而
苟非心無
所矜而情
無所繫
清神正而
是非允當
忠感于天
子而信篤

當有不果之害。非中人血氣無之而復資之以明二
氣存一體。則明能運膽。賈誼是也。賈誼明膽自足。相
經故能濟事。誰言殊無膽。獨任明以行事者乎。子獨
自作此言。以合其論也。忌鵬闇惑。明所不周。何害于
膽乎。明既以見物。膽能行之耳。明所不見。膽當何斷。
進退相扶。可謂盈縮。就如此言。賈生陳策。明所見也。
忌鵬作賦。闇所惑也。爾為明徹於前。而闇惑於後。有
盈縮也。苟明有進退。膽亦何為不可偏乎。子然霍光
有沉勇而戰于廢王。有所撓也。而子言一人膽豈有
盈縮。此則是也。賈生闇鵬。明有所塞也。光懼廢立。勇

平真氏書
膽懷于六
凡至坦蕩
以平日可
謂明膽兩
全矣

有所撓也。夫唯至能無所虧耳。苟自非若此。誰無弊
損乎。但當總有無之大畧而致論之耳。夫物以實見
爲主。延年奮發勇義凌雲。此則膽也。而云夙無武稱。
此爲信宿稱而疑成事也。延年處議明所見也。壯氣
騰厲勇之決也。此足以觀矣。子又曰言明無膽無膽
能偏守案子之言。此則有專膽之人。亦爲膽特自一
氣矣。五才存體各有所生。明以陽曜。膽以陰凝。豈可
爲有陽而生陰。可無陽邪。雖相須以合德。要自異氣
也。凡餘雜說於期陵。毋暴虎云云。萬言致一欲以何
明邪。幸更詳思。不爲辭費而已矣。

難自然好學論

夫民之性好安而惡危好逸而惡勞故不擾則其願得。不逼則其志從。洪荒之世大朴未虧君無文於上。民無競於下。物全理順莫不自得飽則安寢饑則求食怡然鼓腹不知爲至德之世也。若此則安知仁義之端。禮律之文。及至人不存大道陵遲乃始作文墨以傳其意。區別群物。使有類俗。造立仁義以嬰其心。制其名分以檢其外。勤學講文以神其教。故六經紛錯。百家繁熾。開榮利之塗。故奔驚而不覺。是以貪生之禽。食園池之梁菽。求安之士。乃詭志以從俗。操筆

執觚足容蘇息。積學明經。以代稼穡。是以困而後學。學以致榮。計而後習。好而習成。有似自然。故令吾子謂之自然耳。推其原也。六經以抑引爲主。人性以從欲爲歡。抑引則違其願。從欲則得自然。然則自然之得。不由抑引之六經。全性之本。不須犯情之禮律。故仁義務于理。僞非養真之要術。廉讓生于爭奪。非自然之所出也。由是言之。則鳥不毀以求馴。獸不群而求畜。則人之真性。無爲正當。自然。眡此禮樂矣。論又云。嘉肴珍膳。雖所未嘗。嘗必美之。適于口也。處世間。室覩烝燭之光。不教而悅。得于心。況以長夜之冥。得

張澄如身

然好學論

苟有肺

以謂不情

貌悅心

以哉尚何

微于食膳

豈而嗜舊

肅藉也

此語狀得
親切

照太陽情變鬱陶而發其蒙雖事以未來情以本應
 則無損於自然好學難曰天口之於甘苦身之於痛
 癢感物而動應事而作不須學而後能不待借而後
 有此必然之理吾所不易也今子以必然之理論未
 必然之好學則思似是而非之議學如一粟之論于
 是乎在也今子立六經以為準即仁義以為主以規
 矩為軒駕以講誨為哺乳由其塗則通乖其路則滯
 遊心極視不覩其外終年馳騁思不出位聚族獻議
 唯學為貴執書槌句俯仰咨嗟使服膺其言以為榮
 華故吾子謂六經為太陽不學為長夜耳今若以虛

堂爲丙舍以誦諷爲鬼詔以六經爲蕪穢以仁義爲
臭腐覩文籍則目眊修揖讓則變偃襲章服則轉筋
譚禮典則齒齟於是兼而棄之與萬物爲更始則吾
子雖好學不倦猶將闕焉則向之不學未必爲長夜
六經未必爲太陽也俗語曰乞兒不辱馬醫若遇上
有無文之始可不學而獲安不勤而得志則何求于
六經何欲于仁義哉以此言之則今之學者豈不先
計而後學苟計而後動則非自然之應也子之云云
恐故得菖蒲菹耳

七賢傳其進也撫俗同塵不居名利其退也餐和

本色

陽之大過

小童

履順以保天真。嵇阮竹林之會。劉畢芳樽之友。馳騁莊門。排登李室。松蘿低舉。用以優賢。岩水澄華。茲焉賜隱。至于稽康。巨源之書。阮氏創先生之傳。軍諮散髮吏部。盜尊且以世族名流。茲焉自垢。臨鍛竈而不迴。登廣武而長歎。稽琴絕響。阮氣徒存。通其旁經。必凋風俗。召以效宦。居然尸素。軌矚之外。或有可觀者。焉。咸能符契精靈。各悖終始。愴神交於晚笛。或相思而動駕。

與山巨源絕交書

晉嵇康

康白。足下昔稱吾與潁川。吾常謂之知言。然經怪此。

意尚未熟悉于足下何從便得之也前年從河東還
顯宗阿都說足下議以平自代事雖不行知足下故
不知之足下傍通多可而少怪吾直性狹中多所不
堪偶與足下相知耳間聞足下遷惕然不喜恐足下
羞庖人之獨割引尸祝以自助手薦鸞刀漫之膾腥
故具爲足下陳其可否吾昔讀書得并介之人或謂
無之今乃信其真有耳性有所不堪真不可強今空
語同知有達人無所不堪外不殊裕而內不失正與
一世同其流波而悔吝不生耳老子莊周吾之師也
親居賤職柳下惠東方朔達人也安乎卑位吾豈敢

短之哉。又仲尼兼愛不羞執鞭子文無欲卿相而三
登令尹是乃君子思濟物之意也。所謂達能兼善而
不渝窮則自得而無悶。以此觀之。故堯舜之君世許
由之巖棲子房之佐漢。接輿之行歌。其揆一也。仰瞻
數君。可謂能遂其志者也。故君子百行殊塗而同致。
循性而動。各附所安。故有處朝廷而不出。入山林而
不反之論。且延陵高子臧之風。長卿慕相如之節。志
氣所託。不可奪也。吾每讀尚子平臺孝威傳。慨然慕
之。想其爲人。少加孤露。母兄見驕。不涉經學。性復疎
懶。筋驚肉緩。頭面常一月十五日不洗。不大悶癢。不

能沐也。每常小便而忍不起。令胞中畧轉。乃起耳。又

縱逸來久。情意傲散。簡與禮相背。懶與慢相成。而爲

益其毒

不善讀老莊至此

儕類。見寬不攻其過。又讀莊老。重增其放。故使榮進

之心。日積任實之情。轉篤此由。禽鹿少見馴育。則服

從教制。長而見羈。則狂顧頓繆。赴蹈湯火。雖飾以金

鑣。饗以嘉肴。逾思長林。而志在豐草也。阮嗣宗口不

論人。過吾每思之。而未能及。至性過人。與物無傷。唯

飲酒過差耳。至爲禮法之士。所繩疾之。如讐。幸賴大

將軍保持之耳。以不如嗣宗之賢。而有慢弛之闕。又

不識人情。闇于機宜。無萬石之慎。而有好盡之累。久

與事接疵。累日興。雖欲無患。其可得乎。又人倫有禮。朝廷有法。自惟至熟。有必不堪者七。甚不可者二。臥喜晚起。而當關呼之。不置。一不堪也。抱琴行吟。弋釣草野。而吏卒守之。不得妄動。二不堪也。危坐一時。痺不得搖性。復多蝨。杷搔無已。而當裹以章服。揖拜上官。三不堪也。素不便書。不喜作書。而人間多事。堆案盈几。不相酬答。則犯教傷義。欲自勉強。則不能久。四不堪也。不喜弔喪。而人道以此爲重。已爲未見。恕者所怨。至欲見中傷者。雖瞿然自責。然性不可化。欲降心順俗。則詭故不情。亦終不能獲。無咎無譽。如此五

不堪也不喜俗人而當與之共事或賓客盈坐鳴聲
聒耳器塵臭處千變百伎在人目前六不堪也心不
耐煩而官事鞅掌機務纏其心世故繁其慮七不堪
也又每非湯武而薄周孔在人間不止此事會顯世
教所不容此甚不可一也剛腸疾惡輕肆直言遇事
便發此甚不可二也以促中小心之性統此九患不
有外難當有內病寧可久處人間邪又聞道士遺言
餌求黃精令人久壽意甚信之游山澤觀魚鳥心甚
樂之一行作吏此事便廢安能舍其所樂而從其所
懼哉夫人之相知貴識其天性因而濟之而不

成子高全其節也。仲尼不假蓋于子夏，護其短也。近
諸葛孔明不偪元直以入蜀，華子魚不强幼安以卿
相。此可謂能相終始、真相知者也。是下見直木不可
以爲輪曲者，不可以爲桷，蓋不欲以枉其天才，令得
其所也。蓋四民有業，各以得志爲樂。唯達者爲能通
之。此足下度內耳，不可自見好。章甫强越人以文冕
也，已嗜臭腐，養鴛雛以死鼠也。吾頃學養生之道，方
外榮華，去滋味，游心于寂寞，以無爲爲貴，縱無九患
尚不顧足下所好者。又有心悶疾，頃轉增篤。私意自
試，必不能堪其所不樂。自卜已審，若道盡塗窮，則已。

耳足下無事寃之令轉于溝壑也吾新失母兄之懽
意常悽切女年十三男年八歲未及成人况復多病
顧此悵悵如何可言今願守陋巷教養子孫時與親
舊敘濶陳說平生濁酒一杯彈琴一曲志願畢矣足
下若賜之不置不過欲爲官得人以益時用耳足下
舊知吾潦到麓踈不切事情自惟亦皆不如今日之
賢能也若以俗人皆喜榮華獨能離之以此爲快此
最近之可得言耳然使長才廣度無所不淹而能不
營乃可貴耳若吾多病困欲離事自全以保餘年此
真所乏耳豈可見貴門而爾自足乎趣欲其登王塗

期于相致時爲惟益一旦追之必發其狂疾自非重
怨不。至于此也野人有快炙背而美芹子者欲獻之
至尊雖有區區之意亦已疏矣願足下勿似之其意
如此既以解足下并以爲別嵇康白



收此項以補足下花以爲限餘款白
至善觀本圖圖之意亦已盡矣願以不
悉不至下此也理人亦外矣皆而美
于其於其於其於其於其於其於其於其
于其于其于其于其于其于其于其于其

獻書袁譚

魏審配

春秋之義國君死社稷忠臣死王命苟有圖危宗廟
敗亂國家王綱典律親疎一也是以周公垂泣而蔽
管蔡之獄季友獻欬而行鍼叔之鳩何則義重人輕
事不得已也昔衛靈公廢蒯瞶而立輒蒯瞶爲不道
入戚以篡衛師伐之春秋傳曰以石曼姑之義爲可
以拒之是以蒯瞶終獲叛逆之罪而曼姑永享忠臣
之名父子猶然豈况兄弟乎昔先公廢紉將軍以續
賢兄立我將軍以爲適嗣上告祖靈下書譜牒先公
謂將軍爲兒子將軍謂先公爲叔父海內遠近誰不

備聞且先公卽世之日我將軍斬衰居廬而將軍齋
于聖室出入之分於斯益明是時凶臣逢紀妄畫蛇
足曲辭諂媚交亂懿親將軍奮赫然之怒誅不旋時
將軍亦奉命承旨加以淫刑自是之後癰疽破潰骨
肉無絲髮之嫌自疑之臣皆保生全之福故悉遣羗
胡簡命名將料整器械選擇戰士殫府庫之財竭食
土之實其所以供奉將軍何求而不備君臣相率共
衛旌麾戰爲鴈行賦爲幣主雖傾倉覆庫翦剝民物
上下欣戴莫敢告勞何則推戀戀忠赤之情盡家家
肝腦之計唇齒輔車不相爲賜謂爲將軍心合意同

混齊一體必當并威偶勢禦寇寧家何圖凶險讒慝
之人造飾無端誘導奸利致令將軍翻然改圖忘孝
友之仁聽豺狼之謀誣先公廢立之言違近者在喪
之位悖綱紀之理不顧逆順之節橫易冀州之主欲
當先公之繼遂放兵鈔撥屠城殺吏交尸盈原裸民
滿野或有髡髮膚割絕支體冤魂痛于幽冥創痍
號于草棘又乃圖獲鄴城許賜秦胡財物豫有分界
或聞告令吏士云孤雖有老母輒使身體完具而已
聞此言者莫不驚愕失氣悼心揮涕使太夫人憂哀
憤懣于堂室我州君臣士友假寐悲歎無所措其手

足念欲靜師拱默以聽執事之圖則懼違春秋死命
之節貽太夫人不測之患隕先公高世之業且三軍
憤慨人懷私怒我將軍辭不獲已以及館陶之役是
時外爲禦難內實乞罪旣不見赦而屠辱各二三其
心臨陣叛戾我將軍進退無功首尾受敵引軍奔避
不敢告辭亦謂將軍當少垂親親之仁貺以緩追之
惠而乃尋踪躡軌無所逃命困獸必鬪以干嚴刑而
將軍師旅土崩瓦解此非人力乃天意也是後又望
將軍改往修來克已復禮追還孔懷如初之愛而繼
情肆怒趣破家門企踵鶴立連結外仇散鋒放火搥

增毒螫烽烟相望涉血千里遺城厄民引領悲怨雖
欲勿救惡得已哉故遂引軍東轅保正疆場雖近郊
壘未侵境域然能旌旄能不永歎配等備先公家臣
奉廢立之命而圖等干國亂家禮有常刑故奮弊州
之賦以除將軍之疾苦乃天啓于心早行其誅則我
將軍匍匐悲號于將軍股掌之上配等亦袒躬布體
以待斧鉞之刑若必不悛有以國斃圖頭不縣軍不
旋踵願將軍詳度事宜錫以環珖

古文奇賞卷之十二

終

魏觀觀魏軍精爽事宜難以難死以及館陶之役是
 以奇奈魏之師苦少不剋亦以固襲圖而不測軍不
 能軍備當悲哉于魏軍則掌文士腹受衣時跟市豈
 之規以制魏軍之來苦以天報之少是亦其精限矣
 奉魏立之命而圖善于國猶家斷亦常限姑奮樂其
 壘未封魏赴然誼哉其非不示燬野善哉其公案引
 於於效魏許已過姑表民軍東轉殺而魏盡魏亦
 曾毒楚執眼味望悉血千里盡楚不男得發悲悲魏



